



89359

海曲詩鈔卷三

邑人宋佩玉鳴之氏輯錄原本

丁守存心齋甫重訂男鳳年姪孫以所校字

丁續曾字古似號霍菴康熙乙未進士任浙江歸安縣知縣有

寄暢齋詩集

登道場山

偶來道峰上四望煙霞生山椒盤古刹杳靄來鐘聲憶昔蘇太守
意興何縱橫尋訪羅天勝寄傲開軒楹湖影搖書案松風沸茶鑪
老樹霜皮古碧沼冰壺清吟嘯兼風月勝友聯簪纓文章與政事
湖山畱盛名荒祠今寂歷瞻拜有餘情何當淨俗慮來此叩無生

海曲詩鈔

卷三

丁續曾

憂旱

澤國畏霖雨常年苦昏墊誰知今歲災反為驕陽變素節繼朱明
震霖不可見青天懸火鏡更厲炎風煽金石可銷鑠安問禾莖莠
田家無旨蓄顛顛闕陂淀豈無一勺水詎敵兼旬曠水車置河干
秧馬棄荒甸悲哉三農人惟有仰天歎司牧心如焚兩月食不嚙
奔走慰災黎傷心逢鶴面我來歲二週茲土壘水旱非無保赤懷
蒼蒼實昭鑒如何遭閔凶無乃政不善不善在一身甘心愛天譴
惟願沛甘霖拯我蒼生難

反已自責念切民瘼與桑林之禱
笑異天帝聞之定當大沛甘霖

遊吼山水石岩

曉入山陰道風景幽且清牽舟湖迴波淥淨琉璃平東南鑿古鐵

闖入神仙窟樓臺隱洞天峭壁何竅兀清池寒射目繞屋紛藤竹
日月割陰陽芝草聚麋鹿隔岸尤奇觀水石鳴潺湲兩岸聳雙闕
丹碧浮雲端魚龍潛其窟出入雷雨奔奇鬼與猛獸森然欲搏人
疑是五丁手斧劈成嶙峋平生山水癖對此融心神何時婚嫁了
逸興凌飛鳥周遊入極閒一覽三山小

透迤而來有武夷九曲之勝

渡江望京口諸峯懷古

一葉蒲帆風四面鱗波蹴起驚目眩山川形勢雄東吳峯巒點點
當窗現盤渦漸逼蛟龍窟金碧浮空何竅兀振衣欲上妙高臺枚
乘觀濤懷七發江東往日紛干戈天限南北誰如何鐵鎖千尋竟
沈水舟師十萬空碧波綺綺臨春復何有北固青青尙不朽蘭陵

海曲詩鈔

卷三 丁續會

二

美酒一揮杯六朝遺事空回首

登金山浮圖絕頂

海門百折從天來波光激灑煙霧開一帆宛轉出水府雙屐屐
登崔巍四面環山飛緇宇帆幪中流撐一柱萬頃狂瀾勢可迴妙
高臺畔龍蛇舞浮圖直上千雲霄江天一覽何清遼舴艋出沒浮
芥子雕鶚盤空聲怒號下臨無地欄怕倚塔影萬丈橫江水蓬萊
方壺咫尺間泠泠兩腋清風起

登靈巖弔古

館娃宮址臨崔嵬我來登眺天光開屨廊琴臺俱黃土况復恨骨
埋蒼苔夜闌焚火照碧落風生絕岫松濤來白雲照水影明滅寒

潮映日光徘徊人世繁華何足問憑高痛飲空樽壘越禽吳沼同
過眼霸業興亡安在哉

下天竺

青峰何磊落策杖一登臨秋老禪關靜山空木葉深橋餘霜後穎
泉瀉澗邊琴淨掃松閒石招僧話素心

上天竺

藜杖破苔封招提竹樹濃青螺圍古剎白鶴駐長松風靜聞仙梵
林深散午鐘曠然超色界來此覓禪宗

韜光菴

攀援動奇興更入碧峰幽竹暗晴疑雨泉鳴暑亦秋曉窗烘嫩日
海曲詩鈔

卷三 丁續會

三

佛慧普神州羽客何年去丹成竈尙畱

佳景從默
會中來

寄家叔什旃

自宦西川去悠悠已隔年劍峰天外倚錦水地中纏判牘臨荷沼
教農墾石田從來循吏傳清簡是神仙

下天竺訪三生石

前生知幾化再世總無憑心定堅如石官閒淡似僧短牆鄰壘嶂
老樹挂枯籐倘與生公遇談經自得朋

前世再世皆不可知其可
憑者今生耳心定官閒何

等起妙卽是
便就是佛性

湖上晚歸

藕渚蘆汀盡日遊興闌邀月上歸舟星光磊落湖光靜天氣高涼

水氣秋明滅漁燈搖極浦迷離煙樹隔沙洲繁華最是東南盛猶
聽笙歌沸酒樓齊調高亮氣韻流逸
盛唐中亦不可多得

夏日過白雪書院訪王揆一同年

南北馳驅又幾年逢君勝地意忻然放懷欲寄千層塔潑墨如傾
萬斛泉歷下清風傳北海濟南名士憶青蓮空樓何處尋芳躅樹
色蒼茫悵晚煙

雨中遊靈隱寺

萬木含煙眾壑深禪關登望氣蕭森奇峰四面飛花雨流水千盤
出茂林石竇幻成金粟相松濤翻作海潮音來尋淨土消長日孤
鶴閑雲一片心

海曲詩鈔

卷三 丁續會

四

庚子夏日憫水災

歉歲風光鄭俠圖青郊決漉稻荒蕪隄防修築誰爲壑廬室空虛
但仰孟芻牧難求傷作吏追呼暫緩望蠲租東南財賦由來足蒿
目於今兆姓連

感漕事

總積從來輸禹貢東吳每苦暫登場秕糠虜去珍如玉胥吏侵餘
上入倉腹果憑誰驅碩鼠首墳無計救群羊橫江况復艱飛輓佇
望循良念此方以韻語數陳民瘼
使讀者爲之惻然

送叔氏巡視閩海

閩疆萬里赴郵程賦罷驪駒別恨生

帝命肅將看電逝繡衣遙指覺風清伏波駿業標銅柱韓說威名
靖海鯨此去幾年堪報政綬安百越奏承明

讀淮陰侯傳

才本無雙薄絳灌風雲畢會獨登壇饑時但進王孫食問左誰將
國士看書策早知平楚易徙封應念保身難良弓高鳥同時盡坐
對陳編發永歎

讀吳越傳

耦李夫椒事有因甘心螻屈豈終臣沼吳已兆臥薪日烹狗原多
烏喙人志士功成胸抱恨達人幾炳智如神莫嫌浪跡鴟夷子操
術奇巖濶四民鳴夷子急流勇退故免屬餓之加淮陰侯自居成功故有鐘室之禍二事並觀人之高下可見

海曲詩鈔

卷三

丁續會

五

舟過臨平

一帆迢遞任孤征星斗稀疎曉更清津到迷時聊問渡山逢好處
不知名養生還識浮生幻閱世渾忘入世情來固無根去亦偶莫
將華髮問長庚

京口早渡

鐵甕城高落日紅連天水色動微風乘潮乍聽晨鐘落指點羣峰
宿霧中

楓臺山行

驅車日暮客途窮木葉蕭蕭落晚風徑轉溪流深樹裏月明人語
亂山中

過丹徒遇雨

解纜行舟兩岸移
江邨煙雨正迷離
沿河一帶青青草
正是王孫獨去時

遊竹山二首

郭外尋幽屐齒輕
松風十里午涼生
行行漸入山深處
好聽懸崖漱玉聲

水複山重徑不分
干霄竹樹氣芬芬
僧房閒坐清幽甚
飽看峰頭斷續雲

秦 露字崑雪號東廬樵子郡諸生著有東廬遺集

同諸子遊白碧山溪得多字

海曲詩鈔

卷三

秦 露

六

萬壑爭流處
尋幽藉碧莎
人憐春酒嫩
山愛夕陽多
野鳥閒迎客
流泉細送歌
東風無限意
還爲起微波

鍊第五字極佳

贈丁友騶

凍雲飛雪正茫茫
美酒還憑換鷓鴣
底事塞翁真得馬
由來臧豎總亡羊
寒梅月色畱疎影
茅屋雞聲過短牆
分付東君催臘去
一春花雨莫郎當

讀劉峻劉杳傳

不將沈范共浮沈
枉殺文章憎命心
類苑未成身已老
可能山室等華林

千年才命兩茫茫
錦被何如桮酒香
一曲林庭賦未了
等閒齊著

紫荷囊

讀劉顯傳

劉郎才調本無倫空使林文萬古春自是梁臺盛衰日不關獅子到西秦

丁愷曾字萼亭別號統九騷人雍正癸卯拔貢生著有望奎樓詩稿望奎樓文集說書偶筆冬官考韻法本俗等書板藏於

寄贈王溫子

石鼓經野火籀文失趨越歐陽集金石分隸詎能辨君獨窺元始誕登倉頡岸妙手逐龍飛鐵筆走風縷螺畫神禹碑蟲文李斯瑕

海曲詩鈔

卷三

丁愷曾

七

既休他人先力追步猶健久耳陽冰名採得韓陵片我友效蒯生乞火到鄰院謂秦晴窗一捉刃光怪生筆硯遂使賤子名古雅等紀顛憶昔遊之罟秦碑海濤濺天風泐雲根窺輜已漫漫君法自何人點勒開生面從此護牙籤常恐蛟龍羨

奎山夜望日出

汗漫海上遊寥闌山堂宿滄溟枕席下澎湃雷聲擁中夜難成寐相呼出茅屋斜月沉遠邨林薄織霧縠虎睡穴窅窅鳥靜景簌簌捫石欲登天下瞰失洄洑眾星壓肩頂森羅石碌碌烏嶼疑潑墨舟船似伏鷺久立翻生恐陰火潛煜煜歛飛一綫光爛爛生暘谷冥茫晦昧中哉生見縮朒初起鮫人織篝火射林麓旋作金蛇騰

萬道掣坤軸千莫鎔大冶紫氣紅光熯廣德鬪海藏百丈珊瑚矗
碧眼捧金盤熊熊貯丹靛縱送勢未定一聳昇東陸方輿渺一丸
未必盈其腹回視萬井寂羣雞正响伏情界牽夢魔懵懵睡方熟
我聞寒谷日慘悴色戚歟又聞巫峽高晷影僅一掬何以空明天
萬里照若木乃知面前地絃埏勢可縮立身萬仞高縱目入荒燭
無爲蠛蠓子萬古甘盆覆

寫日出熊熊有光收束處包羅萬有雅與題稱

偶感兼示子姪輩

耕鑿三百年子孫乃克讀讀書閱再世不能辨種稂廢耕豈不逸
恐復厭簡牘風流殊可賞自云衣冠族媚子送巧笑飲博漸徵逐
豈知隴畝荒社鼠生僮僕催科吏何怒三句且九粥但醫眼前疾

海曲詩鈔

卷三

丁愷會

八

何妨鬻田屋田屋有盡時母乃枵其腹吾家亦耕讀兼復事行軸
何堪子孫愚鸞斯啄此穀夜來秋雨過東臯散炎熯雞鳴呼兒起
耕此磽确陸父老顧之悲欲語眉先蹙堯人曾仕宦當爲飾邊幅
何事躬秉耒塗足驅黃犢多謝父老意辛苦生百福已與兒孫約
兩事竭耄望冬春窮經史息慮坐家塾秋夏衣食計黍麥稻粱菽
倘懼兩相誤棄書專碌碌父老識事多洗耳聽穆卜耕者雜庸保
髦士從此續陸博羅賓朋世業一朝覆誰廸前人光可爲九泉惡

家訓諄諄不愧宗老宦門子弟皆當書一通於座右

青衣湖

行路亦怙終屢懲思僥倖聞道青衣湖泥淖深沒脛汨汨四十里

過客交相警我心亦頗驚近捷乃思逞出門無百步海霧迷川嶺
寒日滌凍塗薄冰散不整蹠踏成破碎處處皆陷阱豈敢踞馬脊
徒步試精猛念我十年來衰病不能騁於今困險阻健與少年等
力行無老髦此義可深省

同秦立常袁君式遊靈山寺贈範初上人

詰曲行危磴危磴凌松杪俯視萬頃青濤聲隱飛鳥螺旋牽臂下
側足驚震掉穿林破嵐煙別闌乾坤皎清梵聞古寺香篆出林表
不圖萬壑迴千峯作屏繞飛瀑東南來濺沫成浩淼雷霆吼當門
雙楓同健矯石橋臥波上渴蜺飲曲沼高僧老木榻道氣深窈窳
清言灌醍醐琉璃徹晶晶

海曲詩鈔

卷三 丁巳會

九

讀秦氏四節母傳

友人秦蓼錫以四節母傳示予予讀之悲不禁也蓋秦氏自夢
錫父封翁年伯始享大年其上四世皆以歿歿凡提攜孫子茹
荼集蓼俾一綫不墜者始於其太高祖母辛次張次張至封翁
母劉而天意始回以此思苦苦可知矣末世儂薄氣節消阻卽
無論巾幗也乃作詩以風焉

風雨暗茅屋屋底哀孤嫠孤嫠且莫哀三發復相隨借問歷幾載
百載無朝曦含酸更茹歎所撫多孤兒我讀節母傳石裂帶雲披
冰天雪窖內四世挺貞枝始者辛氏寡舟汎廿年時茹蘖號蒼穹
食棘錐心脾回翔生死閒淚雨醜淋漓瞥眼見藐孤千鈞繫一絲

朝覆墳上土暮灑機上淚收魂魄不定約痛痛難支方圖冰雪後
暖律發枯稊詎知六十載老淚頻垂垂或是天公妬鬼神暗中欺
不然地脈酷土伯角鬣鬣何爲鬢而弔盡室皆縞綦一孤繼一孤
當戶知爲誰婦姑相對泣日瘦氣慘悽孫婦晝復哭肝腸寸寸剝
更有曾孫婦鶴立服麻衰搶地已無聲孤子歲未彌仰面呼蒼天
若敖其餒而雲霾天地黑淚流急雨吹白晝唳鴟階砌嘯狐狸
誰念任西華葛衣當涼颼乃不廢素業訓迪如嚴師涕泣雜參連
併作衣上緇敢忘曾王母遺訓屬詩書沈綿牀簀間治命無乖舛
子旣富德業孫亦高文詞桃花三千浪一躍飛龍池豈敢稱宦達
高曾血淚遺豈敢誇身榮四世寒且飢痛哭謁當事飛章上

海曲詩鈔

卷三 丁愷會

十

形埤崇臺鐘

綸綍光輝生門楣褒獎雖一世四世同此推艱難溯厥初行道盡
口碑祀岱始配林祭海先河涓高曾祖母來冰操皆如茲節母不
求名華表虛雙螭以激士君子節義均支持

敘四節母尊從有別
詳畧適宜提頓轉收

應節合度是以
史法爲詩歌者

海曲詠古三首

呂母固

石壁高如墉石柱矗如檟其中產英傑乃是巾幗者熒熒子母弱
煦煦粉榆社紫色龍鳴時餘黨依大厦礎几待孤兒拷掠見兩踝
不堪紂絕天遽斃楚與榎哀哉老寡婦痛聲淚如灑還念炙手熱

祇合聾更啞藏機同陰符建置廡與庠當鑪惟貫酒盈案堆瑤掌
壯士紛紛來熊目黃皮袴坐呼樽中物鯨吞北海瀉十年四壁立
壯士感施舍老嫗垂涕言懷恨非今且我子本無辜軀命被擣擗
諸君如有意賊黨立菹鮮壯士願之笑此事可行也下報匹婦讎
上熾炎漢炮一呼數十人再呼千萬馬譟聲如雷吼大振長平瓦
十萬橫磨劍功成浮海下建號大將軍共戴老填寡羅拜劉盆子
大義合典雅投戈歸真人熊耳山可跨嬰兒得父母誰復金躍冶
還作太平民耕桑樂田野我居其故鄉懷古心欲寫遙望海曲城
煙莽共縈愁海曲故城在固西十二里匹婦能勝予古訓豈爲假不聞紀障瘳
度城繩一把

海曲詩鈔

卷三 丁愷曾

士

雕龍里

在邑西七十里俗名劉三公里卽梁通事舍人劉彥和故里也梁書以爲苜公以其時照併於苜也

昔遊茶陵門命讀

雕龍書親爲演大義妙解亦爬梳

彭石源先生以文心雕龍

假閱兼命抄每親爲演其義趣

自古文士盛稷下蘭陵初柏梁建安後蕭氏聯簪

裙奈何雲門子不得高齋居先生七齡時夢採雲錦帑丹漆執禮

器顏閔同庭間且乃豁然悟耀艷深華舒著書五十篇體格分門

渠迄今千百載文事成齟齬展卷識源流歧路皆刪除當時重儷

語文勢牽趨尙頽端倪在可以知其餘我生公故里馭氣遊碧

虛何處訪遺蹤夢寐共躊躇人有能不能才歟與理歟先生遜馬

鄭乃在精理疎若其論文藝百代供畋漁惜哉微塵玷望拜休文

車休文何爲者賣國等遽廬

海曲佐

駱賓王也賓王有奉使海曲詩海曲書情詩又有與親情書言近緣之官佐理海曲知其曾官海曲也唐書不言其事

蓋逸之耳

萬年宮狐升御座蓮花直傍蜚翟臥天樞凌雲佞臣多中有一士

日肯破致身侍御位非卑豈有抑鬱悲坎壈本傳謂公以左遷快不得志棄官去與

敬業舉燕啄皇孫漢臘哀章疏欲洗唐室澆後回擯放辭鳳闕丞

義悞尖哉負子太無那下邑乃得棲鳳鸞文采照耀扶桑大春夜離魂斷

戊城臨奉使海曲詩有書寄情親海曲佐行蹤一一炳丹青歐史離魂斷戊城之句

何為多遺墮我讀遺書三歎息先生忠義無人識隻手將扶大厦

傾熱血應使妖熾息檄文字字挾風霜義士聞之奮矜棘惜哉夜

半鼓不鳴亡命天台空竭力當時應憐匡復志多方脫護得逃匿

海曲詩鈔

卷三

丁愷曾

十一

古今詩話唐人孟啟所記駱遺事云當時卿敗具以匡復為名故人多脫護之自古成敗論者多四傑同

稱豈其實行儉枉負知人名謂公淺露宜失職試問四時仕宦人

千載何為抱愧色侍御傳游藝表請武氏改國號周武氏可之游藝期年之間歷衣青綠朱紫人謂之四時仕宦

蚊力誠然難負山不道金椎報韓國公詩實劍思存楚金椎許報韓於今猶以反

誅書五嶽豈能平胸臆嘗聞名賢莅茲土丹荔黃蕉進祠宇可憐

苔沒鷺嶺鉢社樹蕭蕭目風雨

君馬黃

君馬黃我馬蒼兩馬異色皆稱良金勒並拖紫絲韉王良上天九

旱死鹽車峻坂垂兩耳尾焦鬣禿失神駿誰為翦拂試驟駉燕昭

獨抱千古情但求逸足黃金輕涓人專車遠來市死骨不復能一

鳴願君買馬問田生莫待驂驅已棄坑
及此土花正欲蝕贖來珍重
牽之庭馬兮馬兮齒未老欲問健步看瘦腦

題法閻齋小像

石泉流韻春欲暮東風搖蕩丁香樹
丁香嬈嬈素艷開下有仙人坐
花霧仙人豈是石隱流經綸腹笥輕
王侯興到掀翻漸離筑怒來擊碎珊瑚鈞
南北風塵行將老杏花春雨等秋草
劍氣匣中夜冲天少陵幕府傷懷抱
十年故友歷下亭塌來燕北感聚萍才大
居然不可觸高談舌底青蓮生醉後
偶爾出小照忽訝先生年猶少
寫此圖時先生年四十餘今五十三矣
素心逸氣何翩翩手持如意對花笑
座間有客能傳真何不添我同花茵
長此鬚眉人如舊洗耳溪頭數暮

海曲詩鈔

卷三 丁愷會

十三

晨

題聶松崑篆譜兼送北歸並候王心逸先生

捧君篆譜喜雀躍秋蛇春蚓體躡摩挲老眼識異寶如睹羽陵

文字光照灼此道權輿古蒼帝至今七字置高閣

蒼頡墓在壽光有古篆二十七

字孔子音注十三字李斯音注七字其七字至今無識

斯邈篆製稍宜今急就凡將有著作

鍾王行楷成訛謬上谷大翻任落拓秦碑漢篆埋荒陵
玉血銅斑

蝕深壑剩有摹印存古意波磔流蕩昔鑿削鵠頭厯錄垂
雷蠶豕

腹彭亨脹磅礴聶君獨能精此藝放懷直欲追邱索當
其凝神鬼

夜哭經營慘淡思莫莫米顛之石透秀皴參差鐫刻屈
尺蠖光和

豐碑岐陽鼓冥搜結構無舛錯須臾放手臂脫鷹森森
劍藥吐蓮

鰲鯨鮓拔浪風雨愁鳳鸞舞鏡煙霧樂是時凍雪冪南山霏霏霰

雪灑林薄剝啄叩門一何晚夜黑茆屋燈閃爍揖之就坐無他語
但恨名高聒夜柝兩耳欲聾直緣君解穢多煩修月鑿袖中昆吾

毫光明爛銅破玉聲霍霍大文炫日色陸離古人妙手猶曩昨從

此牙籤增色澤如開汲冢驚浩博重之不減珊瑚枝愛此神似古

釵脚詰朝欲返肅然駕長白山內有蕭然山乃漢武封禪處言道深閨困寂寞同人

牽衣君掉頭亂草駭馬勢拏攢相逢何遲別何早念此惆悵意色

惡於陵大道我舊遊病起須將踏芒屨苑城霸圖未蕭條醴泉之

詩飾黜聖讀書處今爲寺與君展齒共登臨忍使勝蹟秋水涸

故人王子抱絕學曾勞指點窺元漠王心逸先王精於天官歷象言乙卯余從學測量高深等

海曲詩鈔 卷三 丁愷曾 卅

術 別來九載今健否煩君道我思欲瘳

同蘭谷弟遊青玉溪觀三怪石歌

松風謾謾響不歇並馬山行神采發南邨別闢桃源圖草堂闕寂

門晝闕邨東山畔挂碧流抱瓶就之洗汨汨到來怪石當我眼森

然並峙聳岬岬翻疑凝結南山初靈氣未洩閉鬱勃老龍穩睡百

丈潭一朝霹靂赴金闕巨靈趁勢開奇觀高掌擎破崑崙骨磊磊

大小石如飛風雨攝去歸溟渤故畱三石誌奇怪煙雲摩盪不汨

沒其一砥柱矗中流欲敬半側勢甌杌下有飛濤地肺翻鼉鯨魚

鼈藏恍惚其南一石老僧似跏趺止水不可扞忽驚當頂飛來峰

峨嵋天半聳突兀豈是三山聳六鼇隨潮上岸帶林樾不然根無

連著難久畱何爲山半屹立直如笏似來壓人不敢支呼僮策馬
走且蹶歸來猶自神魂動倚門以手書咄咄米老當年枉呼丈平
泉輦致勞屹屹吾聞羽士大舟成上帝命之隱靈窟邇來積算仙
人多五岳十洲紛膠轕或訪此閒駐鸞馭不見東山青霞抹爲告
吾弟早修築依人起廬事耕壟夜聽流泉晝觀石沐罷憑之晞余
髮前追溯中分提後總攬無不瑰異
雄奇快讀一過令人拍案叫絕

李將軍歌

將軍射獵南山時短衣長箭仰月支天寒雪重試猿臂學鹿雉兔
靡孑遺白額神威無當對日食赤豹黃熊黑况有匹儕助之虐前
擲後躍羣相隨將軍身騎汗血馬大黃持滿如飄瓦頑石礮礮尙

海曲詩鈔

卷三 丁愷潛

五

飲羽矧爾皮肉堪掃捨當年上谷戰匈奴匈奴十萬升山隅從騎
百人面色白將軍意氣吞強胡殺氣濃侵白日短寒風夜吹黑雲
滿刁斗無聲燐火飛白馬胡將死大奇飛將幾年震陰山隴右代
雲英名顯部伍行陣令紛煩長樂衛尉一何悞可憐才氣號無雙
耕雲鋤雨藍田鄉已辭疆場十餘載斷甲零蓋封薜蒼封侯卒不
到山中笑殺麀頭鼠目郎灞陵亭尉曾呵止便向揚眉問姓氏更
有李蔡成三公因人成事良可恥翻來誇向故將軍談笑封侯有
別技君不憶圍陣彎弓對戎王氣奪齒戰恐欲死莫笑當年同事
人下中之材著青史

衰至二首

哀至真難譯謀生計故疎細書知眼暗久坐覺腰遼夢遠邨南水
愁生硯北書莫憐筋力變頭白十年餘

避地原無奈今經歲幾時吟詩每稱老閱景獨爭遲出處謀終拙
文章氣已卑松林明月在空負十年期

又雨

深山無六月霖雨又今朝日復雲中去花疑霧裏消夢蕉滴露
苔翠石流潮最是愁聽者蛙聲薄暮囂

明陵二十六韻

王氣消松柏淒涼寢殿閒北來分泗水南望失鍾山翦伐楸猶古
盤陀路自彎石麟高草外金盃到人閒燈滅東西井成祖崩葬燕山妃嬪殉者

海曲詩鈔

卷三 丁愷會

六

十六人分葬山之左東西井每夜深陵卒常見有紅官裁正副
紗籠燈熒熒穿松楸來至長陵入朝及明末燈不復見

閑明制陵寢各有鎮撫及彈塵餘碧瓦彈塵殿在紅門內近東正

圮正副千戶護衛今無凌殿繡金環各陵俱有凌恩殿白玉英武開宏業山林伏暗姦

盈朝學緘口固圉待輸緩積帑成資寇思陵於財頗吝闖兵逼京師以糧餉不足令各戚里

捐助及城破闖於內帑起獲金銀無算分門正構惠文多謀畧少識小股肱瘠日月

檣槍影山河灰燼班狗偷方奏趙兔老任投班文法緣貪亂兵戎

恃賊頑金豈凡思陵碑記發難之初不過西陸二隅何難以國家

于驕兵悍卒反借勢披猖遂使所在駭然而朝端之上方爭蜀洛

之黨厝火怡堂閒有一二耿介之七以公忠體國為心往往不安

其止防靈武計坐失少康還諸君欲為靈武之權未敢復言
相國仍尊暨思陵雖平魏瑄之亂然奄暨之權未燕平已渡關賊

居庸入昌平時
妖氛纏御座殺氣震龍顏
歷敷何參錯皇風竟弱

虜金桃誰捧薦為鬼火闕
宋殷雷雨蒸枯菌神蛟徙
古灣荆榛生寶

楊狐魅飾牀鬢賸有前車
鑿誰將國史刪

盛朝忠厚在奄侍護持艱
我朝特設司香太監除定陵不設外
共太監二十二名共香火地若干畝

公是蟠螭刻綸音紫鳳頌
舊臣聽黜聖牧監止牽攀
章皇帝諭修

思陵詔畧云有明莊烈愍
皇帝孜孜求治宵旰不遑
祇以有君無

臣薄海鼎沸國步傾危身
殉社稷又云布告方州開
導禍忱交相

輪助事修篡戮又諭工部
敕云明朝陵寢殿宇牆垣
傾圮殊甚

近樹木多被砍伐兩部即
將殘毀諸處盡行修葺見
存樹木永禁

樵採添設陵戶小心看守
又莫問冬青老從看夏屋
爛宋陵何

處是無事淚痕潛未敘
培植本朝之盛典深恩厚德不惟
國祚并足為天下萬世法也

海曲詩鈔

卷三 丁愷會

贈掖縣張若韓二首

錦囊驢背朔方遊賦就三都笑
五侯千里獨看龍塞雪一聲長嘯
雁門秋不因北海從文舉那向
西京遇馬周久客逢君神更旺相
期大雅十旬畱

相憐把臂喜情親碣石雄談入
座頻袖手看碁成獨笑無心垂釣
不須綸三齊意氣青銅壯四海
文章白雪新客子不堪牢落甚浣

花溪畔問詩人

卜甯一字仲三號念亭別號五
峯夢人子乾隆己未進士改庶

吉士授檢討歷官順天府府丞
有尋樂齋詩集

五月望後同人小集袁子才新居

袁子新卜居園林饒雅趣昔日
豪家宅今為名士住邀客三五人

清賞愜所遇有竹覆重門有石如虎踞曲徑入平臺高樓枕古樹
面面軒且清日月供納吐遠山縷縷雲移然收指顧京雒多緇塵
炎蒸不可度此地何軒爽邈若驂雲霧列坐便開筵不必論禮數
縱橫古與今雄談氣如怒事業許千秋非徒慶星聚主人興未闌
款畱見情慄今日且言歸詩成已薄暮

春遊阜陸

路轉青林外名園傍曲谿翠濤松一壑細雨竹千畦花爲陽春笑
鶯憐碧樹曉來遊如畫裏徙倚小亭西

九月雨中遣懷次韻三首

玉署逢佳節蕭齋會故人菊囊忻佩戴雨檻共逡巡地靜偏容懶

海曲詩鈔

卷三 卜筮一

大

官閒足養神從來清切處別自有仙津

莫問龍山會高樓四望多陰雲連朔漠黃葉下滹沱不有盈樽酒
其如九日何悠然歌且嘯欄外雨聲過

壽趙飴山先生八十

一代風騷主

三朝儒雅師連城覘品概松雪擅丰儀玉署名原重雞林譽早馳
掉頭山水窟畱影鳳凰池衣上痕沾酒囊中錦貯詩艷披吳苑美
青挹岱宗奇後輩欽文獻仙人進東萊稱觴連里閭雲鶴仰前規

夏日同館晚集納涼

黃昏雨歇晚涼侵隨意婆娑愜素襟納爽恰當風細細劇談尤愛

夜深深穿簾螢火高低影隔院笙歌斷續吟晏坐不知銀漏轉詩
成落月更橫參

春日懷王衍公二首

瀛洲花落柳絲絲白晝焚香兀坐時消悶文章償夙分懷人風雨
起新詩清齋靜對虞君榻夜月誰披董子帷記得客春春正好豐
臺載酒醉黃鸝

春雨春風客館閒懷君遠道尺書艱扶筇曾共尋南浦抱膝誰同
看遠山舊樹無心花簇簇新鶯作意語關關邇來觸景多新句千
里何由寄一剛

題陶序東同年省覲圖

海曲詩鈔

卷三 卜 翁一

九

御溝柳色嫩晴煙拜賜承明得意還華國文章真落落趨庭衣
綵自翩翩牙檣日射宮袍麗錦篋雲封紫誥鮮此去身行圖畫

裏于湖誰不艷神仙

格調高起
詞采韻秀

送館師尹老夫子總制川陝二首

星懸北斗仰名卿建節雄藩出鳳城函谷雲開春句潤巴川日霽
峽流清地憑鎖鑰雙旌閃人仰華嵩夾道迎無限恩波邀 睿鑒

千秋麟閣待題名

龍門高處許相親雅望清操見古人秉鑑何曾遺瓦礫

挑選入錄

持衡

正爾沐陶鈞一年杖履春風滿萬里旌旗澍雨新佇看政成旋入

觀沙隄指日聽

絲綸

送李登石之任開建三首

系出龍門姓字香羊城縮綬看循良夙懷遠畧遵三事久小長材
製七襄幾載清風留塞色一天化日照巖疆西南風景憑探取消
受炎天道路長

遠宦迢迢路七千南薰吹送麥秋天人過庾嶺風全別路入羅浮
更亦仙琴鶴聲中覘化理農桑興後驗豐年 聖朝早重循良績
增秩行看歲九遷

盧溝橋畔柳絲絲細雨凝塵欲霽時官况不堪頻送遠知心最苦
是臨歧宵來夢渡桑乾水別後魂消漱玉池悵望仙臯何日至好
乘風便莫稽遲

海曲詩鈔

卷三

卜甯一 丁法曾 手

丁法曾字效坤號宗海雍正甲辰科舉人任萊蕪教諭性孝友
以理學訓士鐸萊盡職萊人顏其室曰廉正嚴明告歸祖道
數百人有泣下者卒年六十三

勸漁者

莫道漁翁意境閒片時欣戚幾回環求魚乍得方舒嘯舉網纔空
便蹙顏棹影隨風湖面颼颼聲出浦雁行彎無心惟有輕鷗泛來
去清波浩淼聞凡有求於物便不無得失擾其中惟於世無求者乃能清靜以自育也而於漁翁發之最耐人思

賃居大屋破漏不蔽風雨

不遑擇木見猿窮當戶侵階半是蓬自慰我還棲夏屋相嘲人盡
坐春風月如有意窺塵榻雪却無情濕火籠居信之夜風雪驟至几榻盡白蕉鹿

由來貞也幻依稀院落夢魂中

先是夜夢遷居所見舍宇風景與故無異亦奇驗也

邑侯楊公招飲郭娘泉

來札有亂世珍珠箇箇圓之句因續其韻

亂迸珍珠箇箇圓借來尋勝識名泉
禪關遙倚千峯翠樵徑橫拖半嶺煙
綠樹臨流險正密黃鸞入夏詒初全心閒
捫水親鷗鷺耳熱持盃醉聖賢座有馬
龐誰是主詩非陶謝亦成篇看山更約蒼
龍峽蠟屐安排興已遷

仕萊兩月購買盤盞終不可得

乘蕪廉吏范逾韓畱得清塵作樣看畢竟史雲還有甌誰知肯藉
並無盤本地風光融和一氣

鄭曾述字經一乾隆壬申恩科舉人

海曲詩鈔

卷三

丁法曾鄭曾述

主

朝嗽

朝嗽未著地凌空山照耀壑尙晦冥逸然蘊佳妙我心奚所營
徘徊獨瞻眺會當陟雲梯一覽滄海嶠

李建中字紹唐號廬阜山樵歲貢生有叢桂山房詩草

擬古三首

綰髮偶君子蔦蘿託松林常恐繁華盛奪此恩愛深良人好遠遊
結束懷黃金驅車過燕趙豪俠相追尋朝接華堂宴暮聽瑤琴音
他鄉久行樂明德懼難任遊魚歸大壑飛鳥翔高岑賤妾獨無依
空闈淚盈襟江水東南流孤雲低共淥水流如君意雲凝似妾心
棄沈何足道潔白夙所欽

客從江南來遺我雙文繭益手縲爲絲製作良非淺短絲織作履
長絲織爲帶織成寄遠人迢迢千里外千里寄殷勤迢迢意更深
織履範君趾織帶束君心

幽秀如漢
魏樂府

嶧陽有孤桐百尺高無枝茲材中琴瑟良工施斲治虛中絙素絃
文理含竒姿埋光久不御山水淒以悲一朝移我情寸心樂不疲
古調良自愛世耳鮮所宜但使知音賞何須鳳來儀

陽春曲

微風從東來四野含春陽好鳥鳴佳樹綠水交迴塘美人提絲籠
徑側求柔桑自有顏色秀無勞脂粉香非不見行人相顧無相妨
偕郭子敷五王子仲朱從弟亦仲登奎山至山腰而止縱談

海曲詩鈔

卷三

李建中

三

抵著

嵐氣藹青山水容淡夕陽麥隴清風來瀟灑天宇涼同游隨所至
藉草坐山岡山卉發華英遠近散幽芳論文各自負矢口道余長
得意在煙霞形骸不覺忘川原繞邨樹暮色何蒼蒼海天相與濶
佳哉此翱翔

向晚

向晚北邨去夕陽照秋草行路不覺煩拂袖清風好遠岫凝紫煙
高林喧眾鳥秋容望不極秋懷悵渺渺流水逝已遠孤雲天際繞
嗟我念伊人沈抱安可表

清峭感愴不減
魏晉人風格

戲馬臺懷古

我聞戲馬人英聲蓋千古飄忽氣若龍迴旋力如虎烈烈戰中原
翱翔勢莫阻大業安在哉猶存一片土川原曠無際油油見禾黍
樵牧唱夕陽清風散平楚嗟哉史所傳代謝安可數驅馬過荒臺

長歌聊延佇

俯仰淋漓風格超超欲上

寄蒲城王尾中步湯承武兄弟

秋風澹林麓皎皎月方潔美人隔秦川關山浩難越憶昨蘭陵舍
昕夕面芳哲有如三珠樹遙對千山雪爲文歷長宵燈外清霜冽
雞鳴尙未眠湯餅共談噉意向木凌雲同心難可說未諧滄洲願
頓有青山別世事有蹉跎往來多曲折遙遙三千里秋懷正沈結
欲折一枝蓮遙寄金粟窟路遠恐難致吟望苦淒絕

海曲詩鈔

卷三

李建中

三

王右軍祠

右軍曠代士志不以書名書旣造其極遂遂千載稱當其叅世務
卓犖盼羣英退心放高躡冲抱冥俗管天趣集黜晝秀發天地精
後世襲結構閒架勞支撐孰知道爲技行潔藝斯榮琅琊一片宅
喬木鬱青青門前數頃波滉漾無濁清緬想當年概高風動簷楹
臨池慚夙志瞻仰含餘情

右軍僅以書法擅名自是九原恨事得此詩足爲吐氣。天趣二字爲右軍字

贊之冠

感懷

春澤滋萬物蘭芷萋以生移劫方幾時白露淒華英感此令人悲
吾志恨不貞弱冠雖蹉跎及今尙可爭安能久邨巷鬱鬱理俗情

哲人在何處閒關意所輕覽物開心曲懷古欽令名丈夫貴自愛
歧途安可征

婉婉篇

婉婉復婉婉垂髮纒至肩飼蠶擷柔桑浣衣汲清泉悠悠靡所託
獲邀君子憐爲君自結束髮用香絲纏儻來旋復去賤妾寄雲邊
經時一秉燭此外惟獨眠礪礪山上石亭亭水中蓮不識蓮心苦
惟知石性堅

秋日書懷

芳菊蕭東籬白露綴其英幽闌被長阪綠葉徒菁菁物生各有時
榮悴令人驚華髮幾何人夙昔皆後生吐鳳傳揚子凌雲誦長卿

海曲詩鈔

卷三

李建中

三

投筆恥傭書棄儒待請纓從古磊落士詎與凡人弁所慮施濟拙
奚爲寵利嬰蟋蟀傷局促來我牖下鳴起視碧霄聞西流銀漢清
日月豈有待晨夜不遑征明達貴適志坦坦幽人貞

音節氣味俱入盛唐人調

臨胸山行

山郭路坦蕩阡陌如砥平謂當行山中遠翠迎客旌初歷但陵阜
漸復升崢嶸壘嶂林木秀迴溪沙水清前行阻煙嶠反矚交赤城
谷勢繚以曠天光皎且晶年年春草綠掩映白雲生顧我策蹇人
因之樵牧情

擬古

野溪流水清春草溼以綠褰裳涉中洲採芳不盈掬天空時鳥鳴
流韻若絲竹山桂秋有華江蘭春有馥願言攜同心撫琴奏一曲
所思不可見懷抱耿幽獨

夏夕武河卽景同楊君皞如維藩宋君輝東孫生兆元

夏餘薄昏夕務了方暇豫同行四五人出墅什伯步雲高月氣清
林盡溪光露數尺泥金波千重護蒼樹浩淼遠接天淪漣靜含霧
雖非江漢廣宛對滄洲趣片石待人坐微風入懷度何必藉芳樽
歡言愜幽素

中幅異境獨開岑嘉州岩口上新月
石門破蒼靄等句尙覺遜其精渾

學治詩六首

自序美膠州
依張蔭堂

寬比

海曲詩鈔

卷三

李建中

一五

乾隆五十載乙巳爲歲次東省值大祲延及膠萊地麥禾已大無
稂豆亦不繼閭閻艱措租引領望撫字膠西柎上邨有客停軒輕
父老兩三人杖履行相值偶言刺史賢催科緩從事客坐方旅食
往復詢茲意緩租誠有幸不免終何冀新舊迫異時毋乃益憔悴
父老爲余言但得寬兩季方當乏食時有如崖谷墜婦子無可啜
耕夫無可飼典質無可求告貸無可依支離辦常稅一家業當棄
今旣緩數月新穀或可備雖曰迫舊新却與無時異斯爲刺史仁
聊以紓窮遺

施粥

累年穀不登已歲尤饑羸十室八九空來春乃大饑穀價增十倍

編氓日流離丈夫鬻其妻父母棄其兒嗟此阻饑民救援安可期
張侯牧膠西平價籌良規西南數縣人聞風赴若馳壯者挺孤身
老弱相攜持夜宿伏坎害朝饑灼肝脾死者道相望肉饜爲與鴟
俟心本惻怛聞此愈憂悲捐資爲首倡日夜圖所施男女各異場
立法審所宜任事十餘人簡用惟無私餒者均得食日可千有奇
二月至四月萬物各熙熙麥熟人易飽羸瘠皆可支活者以萬計
復得遊良時起死肉白骨侯實再生之

正俗

黔陬居海濱商舶聯東吳五方所雜處北里多名姝子弟多流蕩
如飴甘茹茶豪滑或盤踞交結連州衢朋徒日招致勢可蔽當塗

海曲詩鈔

卷三 李建中

三

邇來畏大車斂蹟守里閭復有歲時遊男女迫肩扶膏沐雜魚梵
夜不禁金吾此風在愚氓相沿非斯須一朝奉明誠不敢踵曩途
亭亭山上柏青青水中蘆貞潔各有地豈與塵濁俱閨門風化首
禮在良不踰女子守房室無復俟城隅

察役

古侯播仁化甘棠訟可聽亦復傳忠屬斷獄必以情奔走任胥役
阻格成縱橫弊也非一朝由來不可更於下作恐畏於上工逢迎
威約勢所積谿壑安可盈下情尙未達中產輒已傾神君拖明哲
持法如水平凡事精鑿別於茲無遁形小民見長吏如臻父母庭
芋米可畏愛出言孚德聲保民如赤子臧獲敢欺陵蠹役無所肆

挾勢靡所乘閭閻靜無擾各得安耘耕陽和被四野日夕谷風清

訓士

珠山聳雙翠墨水繞清源疇昔產奇傑精華耀中原老成漸凋謝
城闕少躋攀豈無執經士龐雜漸已繁賢哉關西彥綰綬來華軒
詩書用爲治明達以考言往時課士館恢濶廣籛藩提訓得碩儒
講貫求本根事功急化俗絃誦非空論歐曾諸學記遺意今猶存
聰明兼樸厚阻勉達朝昏努力企前修肯辜樂育恩

憫嚮

歲饑人嚮女價無十之一或爲良家婢或在倡門立幼者四五齡
長者十六七一朝定文券湯火遂難出凡此皆人子置之在懷膝

海曲詩鈔

卷三

李建中

七

平時過恩愛凶年不遑恤不嚮餓且死嚮之腸斷絕良家猶云可
倡家悲何極使君賑饑荒念茲爲於邑下令得贖歸俾各如其直
良家取贖者限以兩三月倡家無久近悉令反貞潔天地非不仁
歎饑胡爲賊陰陽有沴戾慘舒任消息善體天地心率由恒惻惻
實政在一方垂爲來者則

統觀六章或以仁育或以義正勸諸貞珉以爲德政碑有何不可

早春讀書

應世乏巧畧展卷多幽情俯仰寄閒堂軒豁列高楹簡編隨所慕
佔哦時有聲豈曰懷弋取聊以償孤清微風激簷柯皎日麗前庭
春陽亦已至花草靡不生餘寒革衆烈晝靄凝暄明寄言事學者
努力究前經妙理惟心得至言非耳聽及時悅所獲庶弗慙邁征

遊梁邱古城

古城犁爲田書傳亦罔載四面見青山迢迢是何代偕客於茲遊
前步緩不大小憇倚頽隈藉草蒼煙外晴日散春和荒林起遙籟
眷言談往昔聊可耳梗概體適境若寬心怕趣無礙興罷復歸來
微風在襟帶

擬古

青松秀山阿白石媚江沚體質固不同貞潔本相似古人有契合
大義要終始嗟彼輕薄者恒將利是視一朝愧金蘭千載羞冊史
是以君子心常懷市交恥

擬少年行

海曲詩鈔

卷三

李建中

天

五陵少年魁梧姿白馬春風家盛時西山射獵日轉日紅樓宴飲
無盡期蘭陵美酒燕趙女一笑當筵眾稱許出門交結意氣輕朝
若春雲暮寒雨恩讎取快工指使得意何妨任行止安有如此禍
不起弭禍甯惜他人死君不見金谷桃花紅欲迷嘲風笑露臨春
蹊開殘委地惜者誰車輪馬足皆香泥

托開一層指點作收
風雅中自饒勸戒

醉贈舊梨園路西

我是玉京青瑣郎索居下土耽清狂曠夕乍入白雲山禱荔之室
蘭爲房榕城夫子佩寶璐倚竹閒吟半遲暮仙瀟灑解詩章白
馬青衫美無度路生亦握荆山玉吹笛曾共仙人宿曲江江上碧
池頭白雪一聲春水綠旗亭冷落舊知名相逢寒夜呼綠醪萼綠

荷衣催羯鼓小憐玉指彈銀箏游雲繚繞歌乍吐激揚舒肆雜商
羽秋風落日洞庭波木葉紛紛下北渚素娥遙窺滄海東倏忽院
落來清風蘇武白頭雪翻落文姬紅淚花蒙茸此曲清絕世稀聞
聲切金石調入雲早歲登場推第一於今漂泊老江濱君不見霓
裳法曲笙簫爛舞徹涼州聲幾遍龜年晚醉江南春梨園子弟多
星散况君年少著雲裳故事應知隋與唐開元天寶今已矣千秋
烟草悲霄塘丈夫笑傲東海頭閉門常與昔人遊此夕爲君沽美
酒君但高歌莫須愁夜深洗盞興未歇珍重天邊半輪月

興酣落筆搖五

岳詩成笑傲凌滄洲詩似太白直可舉以相贈

登州海市歌

海曲詩鈔

卷三

李建中

无

南登之朶山遙望祖洲水東方曉色乍曛曠碧天雲淨風初止須
臾現出烟波象千形萬態相伏起行人來往疑紛囂倏忽變幻成
山椒長林怪石不知數青臺紫觀千雲霄又如旌旗鐵騎相爭戰
魚龍百戲隨時變對此欲記難指名但覺心神振盪雙睛亂造物
何靈通溼空咄嗟辦安得丹青顧虎頭髮髯寫入鷲溪絹

奇景須得此奇

筆東坡山谷外殆難與之抗衡也

墨泉歌

馬陵南去三百里郊子之邦今猶傳新城以北舊城圯城陰平地
滄出泉厥色如墨名爲墨黥然可染波淪漣由來造物發神秀扶
輿清淑生名賢孔子東來駐纓烏千秋禮樂輝星躔傾蓋亭邊春

草綠問官里外鸞聲喧名流弋起世不綬於今屈指猶聯翩何人
妄謂泉不利坐令神漢遭迤邐鑿石鑄鐵塞靈寶精光不流元液
湮培塿壅閉幾百載天闕地脈蒲葦遷邇者人才漸寥落科名往
往疎騰騫邑人發憤久不濬塞泉何日開何年賢宰周侯莅茲土
披圖覽古心殷然早夜不忘嘉惠布遂將疏決探潛淵華陽墨水
分一派松烟古色瀦爲川墨河成溜歸洛馬引除霖潦康湖田光
華復邀滄海月空濛再接東蒙烟人地因之靈且傑文明接踵賢
摩肩有如郟子與程子蔚然起後光其前敘泉之典履運之盛哀
無不詳畧得宜未一戾

大放厥辭淋漓
酣暢意足神完

乞孝子行 蘭山縣

海曲詩鈔

卷三 李建中

三

草木出地以榮以久既各樂爾生地於何有松柏之高不得報况
生惡木巢鴟鴞我聞有乞子事母異同胞乞子一無能父弟死母
老病饑寒乞以生母饑食母母寒身有覆燒塊煖其足負母行乞
不可負乞方雖近必以告乞食寒温以進爲母浣衣滌器如母自
爲乞子鞠母如母於子鞠蒿里有高墳問爲誰家鬼乞子母死曰
夜哭自負土築如半間乞人屋旁有穴如雞埘側近母墳乞子匍
匍歷朝昏乞食必奠曰如母在側夜寐如對母笑言人敬之有欲
爲乞娶妻乞不識字無後理未聞不能割去墳中父母求爲伉儷
恩鄉鄰見乞子皆知孝爲美德彼乞且然蕩子見乞子亦恤所生
之顛連望見所生思乞賢亡者見乞子謂我家有親賴我望我亦

如乞母胡不反顧早言旋行路聞乞子具問此邦人歸去爲之傳
呼嗟乎乞母非此子早已及黃泉乞子自養母母死守塚念不遷
迄今三十有餘年樸老墜蒼氣息入古口第三段本木蘭辭格調
而意寓諷勸有關世教不淺。一結悠然不盡

饑虎行

大虎饑小虎饑行相逐下山破大虎得羊小虎得兔羊旣食訖蹲
顧兔不令小虎食一一橫絕揚尾據吁嗟小虎可如何忍饑且待

大虎去

此必有所指也託物
隱諷嬉笑甚於怒罵
爲東武丁澹齋
之婢金桂作

悲義女

火烈烈人所畏蹈火救人勇者貴勇士猶難之弱小女子力何施
海上有義女眉長髮過耳父母不能畜賣與儒家作婢子婢子十

海曲詩鈔

卷三 李建中

三

餘年主母愛養如所生婢子有同儔終年婉婉洽心情一朝火爲
苗高樓燥燥柴燒天赤焰凌霄起瓦飛棟響蕙煙埃滅獲遠逃百
步外掬舌頓足空盤回義女破喉呼救主潛避人人懼成灰噫嘻
危乎存亡斯須懸主命義女忘身發天性直前上樓掖母出煙火
在身心魂定喘息促猶念同心困回祿急當挽之脫炎炎免教毒
焰灼生肉慷慨赴赫熾咫尺迷出入火入口煙蒙自知不濟安及
哭可憐義女成死人百千年歲埋香骨

同敷五諸子登奎山望海

雅有凌雲意登臨喜見招滄溟浮碧落孤岫出重霄嵐氣沾衣薄
潮聲撼浦遙夕陽風物好幾處見漁樵

憶歷下舊遊

一片明湖水樓臺罨畫新別時蘆葉雨歸後柳條春魚鳥兼城市
煙波帶比鄰遙憐觴詠地虛舫待情人

謁先賢公冶子墓

隱隱青山下先賢墓道通四圍牆未圯一字祀猶崇遠帶野溪水
微生喬木風停驂瞻謁罷烏語傍孤叢

落句不即不離故妙

贈劉治亭

與君爲世好過訪見幽情家在山閒住人臨水上耕詩書無失業
芋栗可謀生菽水高堂奉恂恂孝子行

壬寅正月客安邱次宗姪鳳干韻

海曲詩鈔

卷三

李建中

三五

舊譜逢真契新年共一堂藏書高插架得句屢開囊黃菊杯中物
舟砂肘後方且將醫作術未敢醉爲鄉

雪盡渠邱路春回渤海天授經緣病輟量藥爲貧牽客路生芳草
塵裝裹敝毡多聞何所用聊拄杖頭錢

倚麗中有清壯之致

揖山園卽事

廬舍人煙近山林野徑分曲池寒貯水高樹碧連雲物候先春接
書聲入夜聞客心爭亂緒到此靜埃氛

房山道中

秋草淮南路漫漫望不窮山橋瓜蔓水野寺桂旗風湖濶歸雲白
林疎落日紅征輪何處駐風俗近江東

沐陽道中

收藏寒序近已歷道途長曉露松稍白秋風豆葉黃地連山海郡
天入水雲鄉作客隨人事歸思愴可忘

黃雀

通理憐文羽微知屬野禽無端糜短架不得到深林梁稻雖盈腹
薄籬尙有心畜樊安已久還自弄佳音

登萬松山瞻謁行宮

聖主行宮在青山最上頭南當羣岫起北繞大河流松覆朝
天路花明向日樓居民猶望幸

萬壽祝皇猷

海曲詩鈔

卷三 李建中

三

贈趙退菴先生

寂寞高人蹟幽居近海濱時當暮春節年過古稀辰室靜塵埃少
庭閒花鳥新與君情不倦俱是白頭人

落句情
真理切

簡牟星江表弟

磊落煙霞客平生友更親卹當曲水抱家與衆山鄰自有根心樂
何嫌到骨貧於今同白髮好賞暮年春

登五層樓

振衣直上五層樓百越山多一望收梅嶺接天青嶂曉桂江入海
碧波秋泰家外地疆誰關趙氏遺宮址尙畱檻外風光當

盛世萬家雲樹日悠悠

吮曉高華
自是唐音

蘇臺覽古

綺樓畫閣水雲迷，悵望闔門舊柳隄。
釋劍孤忠空料越，登臺遺恨失侵齊。
秋風鹿宿長洲苑，春雨蘋生香水溪。
畱得採蓮風俗在，橫塘歌散草萋萋。

神完力足

金陵懷古

金陵王氣幾回收，逝水繁華問石頭。
小部歌聲真寂寞，臺城柳色尚風流。
夕陽有恨三山暮，江水無情六代秋。
文物雖殊風景在，秦淮煙雨送行舟。

春雪

自注時客濟南

曉看飛雪散名都，花不成芳柳未蘇。
何處高樓初捲幔，誰家春酒

海曲詩鈔

卷三

李建中

孟

正圍爐篋中，舊有梁園賦。壁上空懸孟浩圖，却怪身為齊下客。扁舟不到鵲山湖。

送金紫厓歸蘇州

故人三月若平生，芳草天涯欲送行。
客座管絃仍顧曲，江亭楊柳正遷鶯。
貂裘漫笑如蘇李，消渴應憐似馬卿。
遙想姑蘇臺畔月，照君沽酒闔閭城。

簡安脩古

清秋景物最蕭騷，覩物懷人對暮濤。
禾黍盡收山徑遠，鴈鴻初到海天高。
擬書壯思蕉為紙，許割閒愁月似刀。
早晚郊原看樂事，空摩飛隼奮奇毛。

京南道中

長短亭邊引轡間，名城迢遞啓重關。
四圍邨落深藏樹，十里平原遠見山。
樓閣逢迎煙草外，雲霞擁護夕陽間。
一鞭遙指垂楊道，野色晴光照客顏。

甲寅九月寓山左會館於丁明府宿斗舍中聽奏雅歌呈諸

同坐

陶寫襟懷向客筵，梨園法曲奏龜年。
清宵對酒人千里，高館鳴絃月一天。
九耳聲聲敲玉朗，走盤字字貫珠圓。
龐眉愧拙歌喉轉，也效江南唱採蓮。

贈鄭懋德

自注乾隆間公以武孝廉從鄉居討王倫有功

海曲詩鈔

卷三

李建中

三

當年磊落起諸生，果銳猶傳仗義聲。
許國英懷先格鬪，韜功雅度不論兵。
青雲名字希煙閣，丹桂風流佐柳營。
需次長安相見晚，慙無寶劍送君行。

端重疑鍊絕似少陵

海陽宗屬壽園以貴州安平令運鉛來都運務告竣將回原

任

海上文明光舊譜，花前酒興遞新籌。
長途旣緩三年役，高館初逢九月秋。
早歲居心知篤厚，遠方爲政見風流。
他時史冊書循吏，肯負東南萬里遊。

寄辛淵亭

盡日圍爐火未溫，故人千里熱中存。
客燈明處閒開卷，夜雪深時

獨閉門觀水幾經迷海市折梅何自寄山邨吟詩未便傳幽興好待歸來仔細論

博山城東謁范文正公祠

平生每感范文正公賢祠宇今瞻傍古泉畫粥早懷天下志登樓何愧洞庭篇溪聲鳥語人煙外樹色山光戶牖前遺像千秋宜展祀常令頑性起貞堅

次門人宋鳴之韻

歲歲山堂日月懸惜分今已過華年芳春守硯花三徑寒夜攤書雪天裘馬未妨居世後文章豈便讓人先功期千百賢豪事三復中庸明強篇作此詩時今三十餘年蹉跎暮齒實負鈞誨

海曲詩鈔

卷三 李建中

三美

詠僧舍美人蕉

蕉花初放美人紅鹿苑娉婷倚梵宮朱頰自凝香界露翠裙猶帶紙窗風祇疑綠萼來還去漫道波羅色是空堪與散花諸姪女相將點畫圖中止一句著題以下就僧舍一筆掃去不在此不脫詠物之上乘也

忠貞侯秦夫人碁子

自注我朝顏修明史秦夫人良玉以四川石碁女士可討楊應龍奢崇明有功崇禎時勤王三次召見平臺賜詩褒獎獻賦人川夫人屢敗之後以策不用自保其境余甥王萊文隨父官石碁得象碁子十二枚云是夫人手澤也

娘子軍聲響未沈牙旗爭說到於今鐵衣蜀北燕南役繡閣車碾

馬劫音亂石猶留諸葛壘片雲空傍卓文琴風流遺蹟分千載剩

想敲枰賭墅心

登超然臺

塵中倦眼為誰開拾級重門步此臺一水背城煙際出羣山繞郭
檻邊來髯公弔古成千載詞客趨風有幾廻杞菊於今何處覓夕
陽春草綠城隈

孝婦塚

不奇孝婦生獨悲孝婦死孝婦足千秋小姑何為爾陷人者適為
增重讀此可

題畫

天邊玉笋高林外澄淵澗時有水禽唳涼風送溪閣

采蓮曲四首

海曲詩鈔

卷三 李建中

七

兩岸垂楊夾去津參差魚戲動青蘋鴉頭十五搖雙槳一曲菱歌
碧水春

赤畫欄橋行客稀采蓮舟傍綠苔磯菱花已作窺妝鏡菱葉還裁
鬪舞衣

菱子雙雙葉底藏東溪青翠接南塘箇儂辛苦筐中滿明月江城
市上香

斜日鴛鴦浦上飛羅裙風颭水花肥煙中早覓前頭伴不肯停橈
在後歸真與唐人採蓮諸曲
是一家風味

端州峽口晚泊

端州峽口寺門前流水無聲月在天遙聽漁歌山際起鵝鷓飛破

一江煙

鮮荔枝二首

荔子紅鮮翠葉旁
暖風疎雨暗生香
朱明節後羊城市
處處釵頭十八娘

腹玉含津夏正肥
傾城風骨並楊妃
當樓一笑尋常事
白馬紅塵日夜飛

海曲詩鈔

卷二 李廷中

三

海曲詩鈔卷四

邑人宋佩玉鳴之氏輯錄原本

丁守存心齋甫重訂男鳳年姪孫以所校字

卜祚光字凝子號敬齋別號篔谷又號松石甯一子乾隆辛巳

恩科進士改庶吉士授編修歷官陝西潼商兵備道涖官

清慎仁惠遺愛關西太史孫酉峰先生以為有守有為歸田

後嗜山水園林卜居萬松別墅自號松石以寄意卒年七十

六

蜀有火麻草生砌閒陰濕處能養人手余嗟其技之薄也恨

然有作

海曲詩鈔

卷四

一 祥光

爾生既非域含沙非爾智爾生又非蠹致蠹非爾利嗟爾茸茸生

胡為階下寄我今歛手行爾技何所試謹身遠害之理如是如是

題硯

水巖洞口靈羊側雲根下際天根黑阿誰割取一片雲恰似秋天

蕉葉色

聖駕南巡恭紀一百韻

柏梁體

晷曦燦絕輝天閭正月壬戌辰維良 巡方盛典超義黃 帝車

南指青徐揚橫艾疆國溯敦敦艸勤民纘 緒喜樂康布愷導澤恢

神綱黔黎徧飲醴酬漿淪浹肌髓永不忘 光華再覲今三霜延

頸企踵感願望悃忱上告騰封章 皇心嘉答鑒下方俞哉福汝

偕軒龔斗杓迴旋指八荒
聖人取象臨明堂重申異命誥誠詳
曰雨時雨暘時暘先庚練日叶筮祥典儀奉引鳴韶韻旬差中候
麥芴芘酉爲畱熟徵豐穰瑞冀九葉生中唐
皇曰徐之待升薊
圓壇帖妥凝青蒼聚星哆坐靈鳥翔一心昭格承天慶土膏萬里
春風香屬車招搖先啓行鳳蓋焚麗龕鑿鏘安輿整駕天駟房
蘭膳廚蕙吹芬芳燕南趙北環陂塘行殿洞啓搖金銀脣脂虬
影千明璫高下錯落交輝煌御亭揮灑雲漢彰從官康唱羅絲
簧泉聲嶽色遙相當尼山道統互頡頏逶迤御宿卜孔臧水衡
給直仁流滂河淮滔滔入疆思膏先需熙春陽六師于邁乘
舟航黃頭楫徒與棹郎旣廩以倍月再償我我千艦畱額糧轉般

海曲詩鈔

卷四

卜祥光

二

不用資神倉御艦安福帆高張水平如掌川涂長入神扶蹕咸
來王穹龜巨魚紛駕梁天題衮鉞垂琳瓊定論亦及南城羊汙
萊昔本蠅魚鄉作息氣裕全安昌重瞳屢顧咨耕桑東南都會
蘇與杭飛樓傑觀連重閉天花拂拂選佛場慈仁攸普帝力
襄賁徵賁稅饒蓋藏深巷戛軌聞鳴軒餘粟在盎幃在牀共拜
帝澤來踰踰高年賜帛三丈強行糜給肉還加棖耆臣來朝侍
帝旁崇階特晉緋魚裝儒官百歲髮不曩熙熙壽國遊倘佯殷
膠夏序虞曰庠褒衣鷁立如堵牆選士造士額破常挾天擲藻錐
出囊爾巾爾紱同騫驤宥旨貫索芘焯焯嘉與更始禾無稂行
宮肆觀升明敷燕豈樂奏東西廂魚麗鶴列旌旆颺神武赫濯

雷轟碾嬰思孺戀履按鞞中外禔福盈難量大瀛迴薄何汪洋一
疊尖塔開峻嶮鹽倉中措屹巨礮馮夷避 禪趨而僵築坦面勢
分低昂星源九折波湯湯荆橋百孔摩天吭 宸衷指畫鞏厥防
雁戶安集皆倉箱謀深思遠得未嘗億載清晏今方將迴鑾奏薰
垂衣裳 慈甯日侍樂未央羣臣稽首進壽觴於萬斯年有景光
敦陳 帝猷商皇典貴具此鴻
才洵允導揚 盛治鼓吹休明

送西甯祝明府同年旋里四首

墨綬畱佳政翩然絕俗塵肯將五斗米空負百年身邱壑憑遐想
詩書結素因應編高士傳不獨頌名臣

撫字勞三載能回黍谷春石田開犖确渟水靜齋淪潔有冰堪比

海曲詩鈔

卷四

卜 祥光

三

貧惟鶴許親送君風滿袖吹散馬蹏塵

非矜言勇退期不負君親累葉青蘊舊雙擎紫誥新顧慚良驥足
歸侍板輿人况復蘭階秀傳經重析薪

憶昔同攀桂忘年結契真有懷知嶽嶽所見盡諄諄灤水秋風遠
燕山別夢頻萍蹤多聚散樽酒莫逡巡

讀離騷弔三閭大夫二首

獻玉翻遭毀孤忠自有真離魂生已散壯志死猶伸當日懷申狄
於今怨黨人遺文千古在付與二心臣

憂憤誰堪語讒人據要津獨吟雲夢國長恨虎狼秦淚化千年玉
文成萬古珍汨羅江岸上草木亦無春

雨後步月

高齋新雨後，月色更娟娟。
人靜三更夜，雲收萬里天。
幽篁畱蝶夢，皓露滴荷錢。
遙憶廣寒裏，姮娥應未眠。

長安春遣

九十春光客裏過，燕臺景色近如何。
桃花開盡千門雨，柳浪翻成兩岸波。
節過清明歸雁少，地當名勝旅人多。
繡塵一片鄉關遠，檢點新詩對酒歌。

安懶

天涯贏得此閒身，靜裏方知懶是真。
一枕高眠虛月夕，三春停飲負花辰。
破窗曾許雲窺座，荒砌何妨草礙人。
憶昨呼童檢行蘆，傲海曲詩鈔。

卷四卜祚光

四

裘猶帶舊京塵

習勤

曉鶯喚我早披衣，綠暗紅稀雨過時。
頰面水清堪滌硯，抄書紙賸供題詩。
湘簾手捲蝦鬚瘦，玉茗親烹蟹眼滋。
更欲出身爲國用，堂前運甃不言疲。

結句振拔
緜有餘力

蜀中客興

南天著意寫春光，花鳥催人靜裏忙。
錦水茶烹新鴨綠，郫筒酒酌嫩鶯黃。
身如社燕輕南北，夢繞離亭共短長。
三月何妨成小住，勾畱半爲海棠香。

癸未夏日少宰夫子招飲樂賢堂王詒堂前輩卽席賦詩因

次元韻三首

仙洲琪樹盡敷榮，舊葉新條取次生。六月炎歊消永日，一天涼雨
過高城。香分象管花爭發，朗映水壺鑑更清。廣和絳堂同授受，况
添瓊液助深情。

梳翎矯翼未差池，得被春風化雨時。杞梓均堪供器使，文章敢許
助公爲。幸分天際金莖露，竊占芳鄰玉樹枝。門下彭宣親禮數，宮
牆自昔已能窺。

山公大業屬名賢，一得登龍便是仙。薄植慙居桃李後，輪蹄恰在
驥驪先。謂癸未館選諸君子恩深醇酒霑常醉，身似荒莊報未捐。惟有徵詩

同倩盼，好從繪事記耕傳。樂賢堂雅集夫將繪爲圖

海曲詩鈔

卷四

卜祚光

五

和大中丞畢秋帆先生監臨秋試卽景抒懷長律四首元韻
憶上公車二十年，御爐香藹字三千。頻經紫陌紅塵地，多是懷人
病酒天。雁塔畱題添後輩，花甄學步愧前賢。而今莫漫誇年少，西
抹東塗總故筌。

嶽峙河流孕毓真，文章班馬一鄰塵。春蠶食葉聲疑雨，戰士銜枚
走若神。各具鑪錘歸雅正，畧無雕飾出清新。西京自古風流地，况
復文翁正作人。結句振動聲大而遠

矮屋風檐月一梭，重來技癢竟何曾。塵蹤久隔瀛洲路，仙夢還親
太乙燈。織素故人原自好，畫眉新樣任時矜。可憐最是蓬窗女，數

託良媒怨不勝。清新後逸

披沙細揀正紛紜拂拭才將姓字聞果是無雙稱國士從教特達
見人文鑑同夜半冰輪皎量自天邊玉尺分笑我非材勦 盛典
三旬惟看斗城雲

歷下亭

宛在水中央此亭亦云久名士果伊誰長懷杜陵叟

城南卽事六首 錄二

多少遊人暖靄中桃蹊柳陌任西東薰風十里城南路不到花間
不繫驄

古寺南行綠水園來遊一度洗塵喧於今焚尾花如許開徧豐臺

十八邨 豐臺共十八邨皆有芍藥

海曲詩鈔

卷四卜 祚光

六

三月十三日泛嘉陵江舟中雜興十三首 錄七

千佛巖前鼓浪行恆河沙數此分明靜衆明月空江夜不辨灘聲
與梵聲

石壁中間一綫開奔濤日夜吼晴雷迴頭山色渾無際未識舟從

何處來 一氣奔注峽中情景宛然在目

風塵馬足負春三暫得幽奇靜裏探路轉重開新面目山堆螺髻
水抱藍

逶迤雲樹架飛虹此道何年力士通憶我曾經黑風雪俯聽江勢
走鼉龍

奔流過峽怒翻盆浪打江船勢欲吞前望灘頭高百尺艱於河鯉

下龍門

峽江之險
形容殆盡

帆隨山轉幾灣環盡日猿嘯兩岸閒爲擊空明搖桂棹卻忘身在

萬重山

與李供奉早發白
帝一篇異曲同工

劍門關外又雄關北障秦川更隔蠻萬里煙銷餘故壘朝天終古

碧雲閒

蕭九成字韶亭號碧畦乾隆壬辰進士改庶吉士授檢討提督

雲南學政典試廣西

答王笠人侍御馬上戲柬

南人慣乘舟北人善馳馬君雖生湖濱馳馬卻心寫有時醉中騎

山色映顏赭當我先著鞭高吟綠柳下下馬乘肩輿古硯攜雀瓦

海曲詩鈔

卷四

蕭九成

七

邨邸一卷書消炎永日且憶我少小時性喜騁郊野數載居閒官

偷安馳驟寡要駕况曾墜僮車鑿前者奉使從君行周道泥沒

蹠赤足視輿夫水浸兼雨灑豈真馬不前不騎君笑啣贈我數十

言三復不能舍停驂和君詩延涼資大厦秋邨駐花廳吹籥聽幽

雅

潰卒仍用王笠人馬上戲柬韻

緬人已來庭偃武久歸馬于役見檻車潰卒衣上寫環衛多操戈

縲絏半衣赭當年冒瘴雲同依虎帳下如何戰一北棄甲冀全瓦

將軍義殉身兵竄延命且國家休養恩用汝戰滇野舍死報天

子安問眾與寡功成圖麒麟今豈異往者胡廼戍邊士繫頸並繫

蹀萬里辭鄉園噬臍淚空灑貫死湯網開感激聲吞啞西徼耕屯
田婦子攜不舍炎天繖蓋張庇汝如廣厦弭筆志 寬大敢代頌
與雅

苦熱

北來入楚界日日行山家過礪如入甕四圍高岸遮赤日正卓午
天炎路更賒無樹蔭行旅無風到袷袷安得解煩渴瓜時却無瓜
停驂入驛館矮屋如盤蝸踞牀汗如雨視日久未斜計程二千里
楚粵山如麻蒸燠日以甚念遠空咨嗟幸得漸清涼呼童烹茗芽
信陽水車

信陽種稻多大田接畦穉稔秋風天水車漑苗引巨川捷於輶輶

海曲詩鈔

卷四

蕭九成

八

汲井泉如蛇蛻骨聯翩形容殆盡坡公篇鳴金擊鼓歌喧闐百
夫齊力引且牽千脰一雲皆瀾漫密雲不雨如火煎載飛跣跣欲
墮鴛一朝挽水聲潺潺濟旱何須陰石鞭秧針出水爭惹芊我將
珥筆書豐年

由灑水渡江用東坡李思訓畫長江絕島圖韻

蔑蒼蒼水茫茫灑流直貫江中央巨聲掀天溇聲急舳艫千里橫
江長水天不可辨高挂布帆順風揚武昌夏口爭鬱律波漂樓閣
相低昂淺渚平如鏡遙憶楚宮妝更望赤壁歌欲狂東風一戰懷
周郎

前渡黃河邑令備牲祀神風順波平須臾及岸忽又閱月矣

今偕笠人渡明月湖作詩補之

明月湖中駕扁舟空明蕩漾如仙遊忽憶六月渡河廣勢如激箭
翻陽侯兩使陳牲祀河伯布帆無恙風颺颺阿護者誰託天庇諒
爲天使斯無憂臣心耿耿清如水此行百粵惟賢求大川利涉偶
然耳敢云忠信通冥幽默禱河伯吾有請儀封三縣宣房修千丈
金隄壞蟻穴奔流不止秋復秋封土爲山塞瓠子驅民併力如驅
牛動支府藏以萬數大費宸慮殫前籌白馬旣刑蒼璧投問汝
已達上帝不帝相我皇保赤子可令服役荒田疇出入將相奉
朝命河干日夜同工鳩河伯能使天風便何難水府驅蛟蚪伊
誰之咎神廢職下民與汝毋乃讎安得天遣夸娥之二子手移太
海曲詩鈔

卷四

蕭九成

九

行王屋截湍流

忠君愛民之心發於至性故形之詩歌悉心推勘不遺餘力河伯聞之定當懣然心服

謁楊忠愍祠

椒山一代之偉人君恩未報思捐身巨奸未除心如刺敢以忠膽
批逆鱗嚴仇黨援罪山積勢傾中外聲赫赫大臣諫官俱緘口公
獨抗言非言責位卑言高何足論丹心浩氣今猶存謁公故宅仰
遺像松筠浙瀝月黃昏

過郭隗故里

燕昭思報齊國辱計安出先生善諷之折節求良駒古來巖壑多
偉人物色不到來何因因市骨駿馬接踵至善相不藉九方歎君請
禮賢自君始自薦未許毛遂比築臺非愛黃金多一心爲國得奇

士聞風果有樂毅流盡下齊城雪國恥君贊功成振千秋燕山巍
魏易水流我來陘陽過君里平疇遠樹雲悠悠

此題恰當如
此收結而止

謁岳忠武祠

高宗眞闇主用佞害孤忠獄竟成三字心甯憶兩宮金牌招後禱
鐵甲棄前功祠宇瞻 天翰千秋仰至公

六月二十九日抵信陽山行

終日行山徑層巒望未周含風松謾謾傍水竹修修天遠雲霞霽
畦連穉稷秋吾鄉風景似到此故遲留

鎮遠對雨

客館開樽日江城對雨天煙昏驛亭樹帆落賈人船久客思依闕

海曲詩鈔

卷四

蕭九成

十一

臨流愧濟川來朝官騎促泥徑又催鞭

諸葛廬

諸葛方樓隱南陽一草廬競傳龍臥處近接鳳雛居九土誰堪統
一心甯易初中興光武似三顧有莘如據蜀須憑險吞曹欲涸漁
躬耕安可守盡力敢遺餘謀國臣衷竭窺天帝眷虛宗臣方策勵
明主已崩殂孤託勤明保師興泣上書亦知衰莫挽不信賊難除
司馬神常奪周郎智枉舒生能遇敵破死恨失奸鋤清水環鄉里
豐山抱邑間中原未恢復千古重欷歔

清峭感愴
溫李遺音

過子路問津處

從遊僕僕被風塵渡口今看蔡水濱當日輪蹄過訪處竟爲泉石

見知人濟川當作同舟志涉世難安負耒身願引斯人屬吾黨
殷豈止爲迷津

由澗水渡江三首

澗水纔過江水連輕舟劈浪正天炎雲含雨脚侵衣袂波動山光
入舫簾樓閣千家森地軸龜蛇兩岸簇峯尖使車來自長安道津
渡常欣利涉占

晴川綠樹接方洲黃鶴升天舊有樓徑渡長江依白浪遙瞻赤壁

辨黃州官注赤壁在嘉魚縣界東坡賦謂黃州非是聽殘玉笛梅花落吹送金風桂嶺

秋遠道不須歎搖落扣舷歌嘯在中流

清幽劇愛水雲鄉一帶灣環白練光暮雨霏微漁火暗秋風披拂

海曲詩鈔

卷四

蕭九成

十一

稻花香湘江未到灘江遠山路終輪水路長明日樓頭翹首望洞
庭波浪隔蒼茫

登岳陽樓

幾年夢想此登樓披豁塵襟縱遠眸落照浮來湘浦晚長風吹滿
洞庭秋揚帆不斷西南渡作賦誰懷進退憂此地從來多感歎萬
家燈火夜悠悠

登峴山

置酒登臨歎昔賢此山終古漢江邊一經墮淚碑成後畢竟茲山

藉爾傳地以人傳高山穹谷之碑殊覺多此一舉

老萊子山莊

自注荆門州西南象山有老萊子田孝子井等碑

斑斕衣綵舞廻風老去娛親似幼沖至性感人無久近至今遺蹟
象山東

供爲子職力耕田千載行人認陌阡烟雨一蓑人已往空餘青草
自年年

一派甘泉分外清旌賢及井得佳名當年孝子曾垂綆汲至誰無
問視情

耆年難得侍高堂甘脆親供慶壽康我正壯遊傷岵岵往來行役
羨山莊

辛大本字淵亭號用野又號空谷山人乾隆戊子科舉人任廣
東大埔縣知縣引疾歸隱於山谷不復與人接優游林泉吟

海曲詩鈔

卷四

蕭九成

主

詠情性卒年八十餘著有寄興空谷偶一等集養正編藏於
家

擬古四首

錄一

籬下雀忽起坐中客已到聊復具寒暄何假飾容貌紋枰能對不
客稱謹奉教斗酒出久臧幸免俗客鬧公榮雖不飲頗識飲中妙
醉後無片言醒來成一笑

打鴉行

老鴉從何來呌喙聲相呼謬稱黑鳳凰實爲大嘴烏烏有反哺者
爾輩非其徒風人工比類類爾以赤狐偶見已堪憎習處更何如
况乃恣貪殘碩鼠未足誅山邨鳴布穀播種徧菑畝爾來撥食之

苗生半有無野蠶初出時蠕蠕葉間敷爾復攫食之爲虐以養軀
既使饑無粟又致寒無襦我更有材木長楊映園廬栽培三十年
軒軒壓楸梧何意羣鴉集不慮口卒瘡終日截柔條爲巢安其居
卵育於其間致令枝多枯鴉乎何不仁所害皆非辜集苑多羽族
凶殘與爾殊吾有烏號弓彈丸亦多儲誰云莫打鴉此語真糊塗
吾不破爾卵亦不傷爾雛吾將行中林伺之至日哺勸爾及早避
願爾別爲圖維南有高山其上多嶽峩洞中閔無人巖下松千株
往哉營爾巢飲啄得自如何苦肆毒害爾禍曾不虞既憤其食殘而欲置之死
地又惡絕其命而開以生路此仁人之用心也待物如此待人可知

將赴嶺南留別諸親友

海曲詩鈔

卷四

辛大本

三

人生若飄蓬勞勞無時已何意衰老年遠涉八千里潮州亦不惡
鱷魚久驅矣大埔富人文藹藹多吉士草木四時春一歲八蠶美
廉吏真可爲無裘不凍死親賓送我行遠別從茲始何以慰殷勤
清操心自矢驅車辭故鄉長塗低邈迤遙望南天雲鬱蒼昏旦起
去去勿復戀歸期數星紀自注余以乙丑年生

弋陽道中

楚水西南流送我西南去淺深一舵通高下兩船互岸高面似牆
樹密望如霧峯巒出怪形邨隴帶幽趣春糧水車翻操舟魚虎聚
我行日以遠揚帆莫回顧君看古名流皆行萬里路

春日山行卽事

萬彙各有適作吏獨冗忙春正方一日迫我下遠鄉此地陽和早
滿目皆春光桃花開爛熳纔郭麥有芒肩輿亂山中其險倍羊腸
懸崖鑿一徑側足難回翔行人避官長倚身峭壁旁俯視臨無地
仰矚危磴長戰戰復慄慄徒步倩扶將雜花解悅人擷之了無香
野鳥紛亂啼覓之咸遁藏嗟哉老病身今入百憂場

寓意
蘊藉

過彭澤縣

我行過彭澤緬想靖節翁一代曠逸人不與時流同亦復嬰世網
寄迹塵埃中一朝賦歸來兩袖生清風人生貴適意胡爲困樊籠
感念先生志使我歸興濃遙望故山雲水陸隔千重何時到家園
攜我兒與僮奉我以杖屨俯仰得從容惟願南風利搔首問天公

海曲詩鈔

卷四

辛大本

古

幽居漫興

垂老得一官旣得去還速我本素心人夢覺思新沐家居山水隈
更來覓幽獨揮手謝時輩有如龜藏六故衣猶帶錦雜佩或貽玉
屏當不盡者豈是飾邊幅平生飽肉食頗不負此腹此腹卻負吾
何不託高躅飲水可樂饑食藿可當穀况勝淵明貧瓶中有儲粟
閑閑復閑閑生死同一局皈依菩提心不修香火福餘興寄簡編
樂事及花木嘉樹多手植更饒松與竹回首仕宦年心計常局促
何如此境樂俯仰從所欲日高猶擁被日暮卽棲宿更喜足音希
無或賁空谷偶訪山中人雲深有茅屋

富貴歸故里仍是衣繡夜
行高士之志往往如此此

真入高淡之境

獨酌

獨酌不成歡，悄然發長愴。昔我壯盛年，滿腔蓄春意。無樂常融怡，有愁亦拋置。忽忽三十載，悠悠如川逝。非勞耳常鳴，無肯眼若翳。心知難久存，早晚成沒世。回首戀詩書，何時再能肄。高原荒草鄉，幽室千年閉。吁嗟世間人，誰能免此事。賢思身後名，愚爲子孫計。賢愚兩不居，委化同兒戲。

起超出塵

放魚歌

潁江之水多魚龍，有客破浪乘長風。漁舟向人打雙槳，波中細繫赤鯁公。客心如水清，且泚佐食。只有淮南子，興來欲作彈鋏歌。船頭購得不須市，此魚生長幾經年。我偶見之心惻然，三十六鱗俱海曲詩鈔

卷四

辛大木

五

未損何輕物，命供饑涎呼。僮爲我解其繫，投之江波任所逝。曷爾變化作神龍，勿復受人網羅制。

過惶恐灘

百注十八灘之第一也時秋深水落露石巉巖

兩岸山從人面起，江波急轉萬山裏。山腰列屋山脚船，蒼松鬱鬱連山巔。風正一帆高不動，石上操舟舟子勇。古云弗畏便入畏，過

此惶恐不惶恐

落句較涉呂梁以忠信者更是一番平實道理

晚泊

晚泊荒邨外，孤舟帶岸橫。下船行彳亍，戒僕語丁寧。野色天涯遠，人煙樹杪生。楚咻時聒耳，鄉思倍難平。

偶讀白傅詩感賦

掉臂八空谷我心如石頑功名成底事妻子不相關容膝三間屋
隨身一小鬟閒來無疾病任意看青山

一氣騰踔
章法渾成

卽景

秋雨初霽足秋風處處生殘雲吹不盡片片帖天明白日澹將午
遙聞打稻聲爲農此時節笑面說西成

八句續麻而下
唐人或有此體

發雜揚

白首全生賴不材布帆無恙此歸來出江稍覺驚魂定計日何難
笑口開風過露筋祠畔水雲含瓜步鎮邊雷瀟瀟暮雨孤舟急好
似吳娘一曲催

八月十五夜

自注諺云八月十五雲遮月定主來年雪打燈
是中秋與上元氣相關也以正月十五觀八月

海曲詩鈔

卷四

辛入本

六

十五止是眼前
語却未經人道

上元佳節較如何一片空明此夜多試看山川輝玉宇定教燈火
讓金波酒拚人醉歡嘗夕露下更深靜作歌猶有名花三四朵好
將嬌豔贈姮娥

自注時海
棠尙有花

答家兄書

尺書遙寄意何勤惟有坡公愛卯君廢井自愁難挹注荒田敢忘
事耕耘比鄰有客非常聚五日爲期也屬文準擬對牀風雨夕好
憑提命益知聞

朗吟一過猶想見
兄弟怡怡氣象

暮歸

後嶺前坡曲徑通半林黃葉半林紅高低山色歸來晚人在瀟瀟

暮雨中

滕王閣二首

海內才名王子安當年作序快登壇如何風力邀神助不及潮陽

一縣官

放船一夕泊新洲

自注南昌城外泊船處

此日登臨動遠愁正是客心孤迥

處笛聲吹徹滿江秋

廬陵晚泊

江水無波九月初孤舟泊處即安居岸頭夜半秋聲起忽憶歐公

正讀書

金龍四大王廟

自注王姓謝氏晉太傅安石後裔南宋時為諸生兄弟四人以紀綱統緒為名王其季也

海曲詩鈔

卷四

辛大本

十七

居祝之金龍山宋亡投水死後人為之立廟明太祖時靈蹟甚著

太傅雲仍大義尊千秋英烈本常存料應水府餘閑日多是修文

伴屈原

自注屈原為水府文郎見道書英氣勃勃雅興題稱

由女兒港行三十里出鄱陽湖六十里宿金剛林

女兒港裏水彎環女兒港外湖中間一舸風催駛如箭回頭猶看

大姑山

鄱陽湖裏波濤急路入長江意漸舒遠遠風吹蘆葦岸酒帘飄處

賣鮑魚

二首狀舟行之景入妙

海棠果

鶯黃錦祿裏豐肌可愛甯馨胖大時莫訝尋常無此比阿侯原是

莫愁兒

自注古詞欲知莫愁美但看阿侯容阿侯莫愁子也

丁延穗別號簪塘居士乾隆乙酉拔貢任齊河縣教諭著有

斐齋詩集

凌霄吟

百注齋前凌霄花附梧桐而生有年矣戊申六月梧桐爲大風所拔喻年凌霄亦萎觸物傷懷因而成詠

凌霄欲升高托根碧梧底引蔓相糾纏玲瓏異葛藟當其生氣長
倚幹一何偉花壓龍門枝藤盤鳳條裏但見凌霄姿翻失梧桐美
飄風捲地來名材無完理梧桐一朝摧凌霄墮地庫嗟哉尋丈勢
蒼然無所恃本得梧桐生復失梧桐死君子貴自立攀附徒爲爾
琅邪寓中偶成

久別琅邪道重來更暮春關山三百里鬚髮五旬人繞郭長河在

海曲詩鈔

卷四

丁延穗

十一

迎車翠柳新不堪逢舊侶笑我尙風塵

病中出都

燕山難久戀歸路已殘春滿眼雙親淚盈車一病身空鄰彼屠狗
自笑戎衣鶉獨有柔乾水澗潛欲送人

送仁斯姪北歸

少壯來遊海曲回頭歲月總茫茫多逢春草纔成夢每對秋風
欲斷腸一世布衣黃叔度半池烟墨米元章窮途我亦同聲哭大
阮何嫌小阮狂

聽趙女琵琶索句却贈二首

潯陽風景近如何一曲琵琶子夜歌寂是酒闌燈地後殷勤訪問

慶宣和百注余少時譜慶宣和小詞趙女屢問之

清秋何自得陽春婉轉高歌妙入神聽到人生行樂耳時趙女歌人生行樂

之座中應有斷腸人

蔡振中字嵩嶽一字松若號芷沅初以優貢補鑲黃旗教習乾隆丙午舉順天闈丁未進士授湖南祁陽知縣調湖北雲夢

鍾祥知縣鄉試同考四次所得士眾論翕然後奉檄雲南採

銅事竣以老告退文名冶績煊赫一時著有秋舫齋滇南遊

昆海聯吟諸集行世

過馬狀元墓

原注墓在海山西南九十里翁仲儼然皆漢衣冠土人傳爲平鄉侯武墓而碑表無存亦難徵

信

卷四 蔡振中 十九

近市多人烟荒阡傍邨路禾黍蔽孤墳云是狀元墓狀元何代人

滄桑難考據圓林泣冬青樵採誰禁護恐如下馬陵翻以蝦蟆誤

翁仲寂無言獨立斜陽暮

讀李東川春暉集有感因題其後

詩歌本性情至文無奇異我讀春暉集永言惟孝思開篇采蘭行

便得南陔義餘興隨所遭興觀旨畧備譬如滋木根枝葉榮生意

當其依北堂萱花蔭佩璫誰知愛日心旋成望雲淚昨示出京篇

伏讀逆涕泗遺訓先人傳前型小子誌能仕教之忠勉作清白吏

我亦痛鮮民祿不逮歡侍世業起寒素雙親並勞頌具慶未八旬

語猶見時記胡今遠宦遊不聞嗟予季惟思揚令名勿忘身所自

風摧庭樹淒日薄虞淵墜自古傷心人能言傷心事

道州行送蕭雲集之學博任

自注時州中士民有剽搶者案甫結被戮株連者甚多

民愚不可下民頑實可憐官與民角勝何忍如敵然在昔元漫叟
春陵有遺篇誰能絕人命以作時世賢二語足感慨所期善保全
今異古所云習尙成推遷君秉鐸茲土士尤居民先勿使扞文網
一獄動株連詎曰盡無良乃聚而戮旃清清泮水漉峩峩官牆堅
俗無不可化于戈變琴絃

過田家

筍輿出城南暮投田家宿入門見穰穰倉箱堆新穀積場豆萊肥
繞圍麻蕪蕪拾得絲鈴多筠筐高置屋父老前致詞今託長官福

海曲詩鈔

卷四

蔡振中

三

吾邛頻年來無此歲大熟試取穞種看一穗米盈掬雨暘感時若
中產增十斛非徒終歲飽可備三年蓄予喜天降康予心轉慙惡
况經兵燹時事滋怨讟戍兵尙防秋寇警西山麓日夕烽煙驚
深爲掠食覺茲聞官軍勝賊去免躡蹠各宜謹蓋藏相與守邦族
歲豐仍節儉庶幾瘡痕復

題廳壁

原注余莅雲夢次年秋訟牒漸稀乃於公餘新治事廳更易聯額並繪雲夢全圖於壁共七十二會邨樹

炊煙宛然在目因賦五言長篇以示與民不隔之意云

雲夢隸德安分疆未百里湖汊各殊名長流瓌澗水西北據高原
東南居澣涘蜿蜒護長隄沿河防奔徙烟邨三萬家聚岸如舟楫
豐年無蓋藏六月糶穀起葦路藍縷風居然熊繹始胡爲大國楚

此獨葛屨比以視漢東隨直等附庸耳

百法隨亦隸德安幅員八百里

略地一日

迴鴻清界伊邇四境邨落稀星散同黑子我來壬戌秋荒暑聊棲

止城郭列頽垣堂廡坐卑庫非才愧牛刀位置恰宜是敢學龐士

元小邑不屑理履不及外庭情狀知何似每見誇專城放衙綢被

裏轉軸憑可闢虎威仗內使一旦覆公餗乃驚喪箸匕鑿此日憂

勤負擔無時弛偶新治事廳敢曰侈觀美亟命易聯額箴規寓微

旨通縣繪爲圖墟落近可指肥瘠宜關心慎勿泰越視

先將圖中形勢詳列

於前後人屬壁不復再敘但點繪事找足念切民依之意虛者實之實者虛之章法絕妙

贈許學博用蘇長公苔幕僚賀禱雨有應原韻

愚民慣貪天長吏艱守土不知作天難但怨土缺雨山川與百源

海曲詩鈔

卷四

藝振中

三

零祀傳自古吁嗟合樂音拜禱折腰膺天心厭哀顛屢霖垂少許
朝視雲濛濛溼氣微潤礎倏忽箭弩發雨師爲奮鼓遂使許主簿
泥滯集鞞屨作詩意歸功向余欽起舞君素精占驗此事難概語
或應十之三或應十之五兩暘寒燠風咎徵理可數吏治一失平
吳氣召蝗虎余心方彌兢幸邀何足取

感應之理確是如
此可謂知木矣

贈黃牧齋仍用蘇長公苔幕僚韻

牧齋磊落人頻年客南土蓮幕安硯席知交多舊雨我恨相見遲

晤對心貌古白髮已蕭蕭倔强老脊脊方今刑名席賓主難輕許

唇舟必用楫譬柱必需礎銀鍊易掩真引例易膠鼓失火而殃魚

截趾以適屨偶致權衡乖遂疑刀筆舞斷獄須老吏自昔聞此語

暮旬喜逢君行年皆過五敢言案如山焚香夜默數俗狡泊難施
刻刻履冰虎相期佐平反譴戾庶免取理刑名者當書一通於座右

襄河隄潰慰被災諸父老

奉檄勘鄰災下鄉理戶口朝土襄河隄四望成澤藪汪洋千頃坡
蕭索數行柳里甲聞余來道旁爭泥首爲言八月晦一方遭陽九
夜半河水至倉皇扶童叟遠岸鬼火青空潭怒龍吼十室九室傾
長物復何有露處依危隄蟻垤此暫守前日官府來冊籍編某某
未識 朝廷恩殘軀能待否悽然謂父老歸告爾男婦天災責可
憐坐視非父母勗哉自保愛蠲賑日不久

雲邑陳袁口隄潰乾隆五十八年冬督居民修築詩以紀之

海曲詩鈔

卷四

蔡振中

三

嗟瀦西北來東流滙潰水蜿蜒護長隄保障實所恃在昔隄屬官
督修擾胥使歲著爲令甲轉以病閭里厥後裁歸民聽民自爲理
豈知聽民修民修長已矣紛綸衆難調因循事易止秋漲齧其根
厥巔漸告圯版築各爲私曲防從此起下流瀦經旬禾浸成穉秕
余來詢疾苦命駕親勘履淤洲滿浮槎積潦眇迢渙當時卧虹波
影沒朝鏡裏期爲偃月形勢須更新址噴噴興煩言愚氓艱謀始
或慮工莫鳩或慮墓莫徒力役均寡多繩尺辨遐邇余曰士無諱
切近災在是厥初勿畏難程工惟積累農隙勤畚鍤可不妨耒耜
願作營巢燕願作聚垤蠶壓擔兩肩頽沒踝一簣委天塹忽巨綿
狂瀾竟順軌極目隄外田稼穡油油美言念董威時執朴扑疆以

今見長吏心稍息眾口哆更與爾民約不煩官經紀傳呼張晷蓋
誰舉泥塗趾舊章一以定所賴修築耳自宜慎永圖固守防虧毀
春日出郭望陳氏園林欲遊弗果

終日厭市廛郊關偶散步遙矚西南邨桃林紅滿樹麥畦雜菜花
一綫泥塍路行行忘近遠直入樹深處溝水忽灣環四圍難徑渡
中有古仙源迷津成外護牆頭亞枝新木杪亭榭露方春盛翫翳
竹籬隔煙霧安排尋晷約獨立夕陽暮

麻陽船

辰沅上游路水石激灘高大船至此阻寸步不能篙誰識剡木制
利用隨所遭趨捷麻陽船一縣獨習操其輕類納芥其狹類容刀

海曲詩鈔

卷四

蔡振中

十四

居然具體微長直聳首尻近復置中勝略如張兩弢短短開榻牕
華飾巧藏韜不惟充賈艸且得號官艚吾聞舟異名艤泊聲噉嘈
大者曰艤艦小者曰舩舩編載難盡識其總名曰艘宛似眾鱗族
縱橫凌江濤吁嗟西是入托業不辭勞少小慣駕撐牽挽若猿猱
竟似分門戶拔隊自成豪繫我行黔滇挽載賴此曹終日閉矮艙
薦坐泥鞞袍推篷望牆鳥亦自建旌旄大書採辦使旗脚展風颺
所歷雖險惡聊以恣遊翔

滇中詠古八首

唐蒙

漢置西南郡其一爲牂牁莊躋杯船後久止中國戈精兵發夜郎

阿蒙力居多武帝本喜功蒔贊能幾何

王褒

子淵在漢代文章句絕倫巨魚縱大壑作頌羨王臣胡爲求賢詔
特重出使人金馬自騁光縹碧亦何神翻勞遠檄招歸來伴白麟

司馬相如

犢禪臨邛客屬文知名早一朝乘傳使負弩令前導宣漢皇威德
難蜀諸父老大人建非常渺論出意表遂開西南夷聲教訖荒獠
子虛諷諭多諫獵忠豈少上林侍從臣西京共擗藻所惜封禪書
茂陵有遺稿

司馬遷

海曲詩鈔

卷四

蔡振中

三五

文章負奇氣山川遊萬里牛馬走何官無乃行人使畧地至南荒
風教采遐邇發憤殫著作終成龍門史至今經過處猶共傳姓氏

武侯

先帝知謹慎討賊屬老臣北伐先南征崎嶇瘁一身不復計成敗
道謚合董醜綱維王佐才管樂詎比倫

李德裕

牛李分黨日清流投濁流一朝稱才相終亦竄崖州恩深孤寒泣
力瘁籌邊謀至今蠻夷險畫壁有高樓

賈島

南中一主簿何人識浪仙送雍悲鬢利郊吟瘦肩平生逢昌黎

楊慎

千秋知已傳韓謫旋去潮賈老半居漁同作流寓客蛩音亦可憐
新都貴公子癯荒老戍客抗疏撼門哭所爭在宗祏臣執朱程論
濮議今奚擇同列恥聰莠一朝廿遠謫善首响獠間放浪隨所適
有時粉傅面髻簪花覆額丹鉛著錄多碧曉文教闢蠶叢終不返
何處招魂魄

遊近華浦泛舟西山下作

瀕池二百里層城枕其上羣山拱五華倒束扼奔放走約汎舟遊
出郭神已曠活水浸稻田浦澈彌相望曲港縱容刀一棹轉清浪
渺然雲水寬船疑天外漾中流簫鼓發回環迷去向忽覩大觀樓
海曲詩鈔

卷四

蔡振中

三六

儼若蜃幻相拾級試登臨踏靄膽氣壯揚袂快颺舉縱目恣遠暢
悄然難久留思欲凌夕嶂遙矚碧雞山半空疑曉唱天馬應出波
想像神龍狀靈源非通海平地誰鑿狝恍惚浴天池豪情遂跌宕
日暮鼓櫂歸風濤猶激盪

詩意奔放典山水爭奇

五月一日同人讌集雲秀巷東軒看荷以竹深畱客荷淨納

涼爲韻分得納字

五月陂塘秋朱華冒已合煙柳夕陽時澹沱圍周匝我有同心人
聯社互酬答城隅困暮塵館垣聲紛沓思爲蕭寺遊出郭攜酒榼
千畦菜圃入一徑葑田踏眼明翠蓋中萬柄影錯雜微波立亭亭
妝鏡耀紅闔惜無采菱舟牽芳空足跋水亭傍雲卷勝境屬僧補

共泛碧篙飲晚涼更移榻緬懷坡翁詩城南供消納忘炎茗溪上
白蘋風颯颯

中興頌碑

大唐天子下殿走二十四郡同不守西征將士已離心玉環妖血
濺馬首興昇繡祿拜賜錢祿兒後父而先母豈知北籬同啄燕遂
使豬龍成狹狗靈武卽位本權宜整頓乾坤回陽九如何西幸變
輿還社稷終非上皇有南內淒涼御衣寒五坊供奉猶在否磨崖
石勒中興頌爲之者誰元漫叟魯公書法更雄奇十丈高懸光射
斗二公精誠貫日月爲此欲繼雅頌後當日鼓鼙震漁陽眼看九
廟同敝帚恢復六業奠金甌頌楊恨不生萬口急漉肝血寫宏辭
海曲詩鈔

卷四

蔡振中

七

豈有隱諷彰君醜君王事父多慙德臣子銘功垂永久千秋萬歲
涪溪上此碑此頌貞不朽

大別山

朝上龜山尾暮上龜山頭盈盈隔江水遙見黃鶴樓黃鶴仙人不
肯在磯上空留鶴立處晴川閣外白雲飛片片隨風渡江去

湖北水利篇次稼門汪節制元韻

周官遂人掌治遂溝水厥後河渠志編相附比井田漸溼阡陌橫
水患百里及千里熊繹楚疆開滔滔江漢來江歸湖洞庭漚流而
北洄漢趨山大別挾勢而交迤西陵內方兩岸東春汛秋漲疊逐
催中多田塗泥美宜築防宜濬委欲睹安瀾慶朝宗先於潰決慮

旁通從此隄膝與堰開經理總歸人力中憶昔拙宦撫疲邑勘災
歷盡原與隄稍喜賊退兵火後星廬赭壁流民集不謂三工四工
兩破隄復遭七年十年之數竒或由鄖山墜土傾濁淤或由襄河
暴發出蛟螭自慚身遜王尊勇無術能戢陽候威迷茫不辨三潞
界汗窪真成漢水池命舟急拯樓烏影捐橐爲瘞腐蝮屍爾時下
游同飄蕩紛紛堵築請國帑惟憑下策籌捍防爰以興作代賑
賞荆江口亦泛狂瀾勢等吕梁碇作湍監沔承流頂冲處滕垸破
碎風水寒統計門戶之關鍵若者高阜若平衍築隄宜先籌江鍾
潯河宜并及漢沔莫言水懦實怒洶度地尤在避直衝所以改形
名挽月象取壁月色溶溶專取挽月受以緩又嫌棄地讓愈悍石

海曲詩鈔

卷四

蔡振中

三六

磯挑水亦一法勿致引濶入袖滿鳩集夫工慮逋逃薄雪深冬積
麥苗憑仗繩牽與竿影區分中邊壤與霄工興挖擋百弊出滅土
滅碱難具述軍符難約人眾三州鐵莫鑄錯字一從古防弊弊彌
多章程定處羣若何不惜燭照爲熟計一息築道旁風波疏河之
法先量丈萬夫舂鍤力俯仰亦以早方爲計值河之淺深隨消長
試問禹跡亦有年何以沉田未返前事樂觀成難謀始遂教創制
讓昔賢國家經費有常數司農艱給水衡錢昔賢興利會事此
不獨明德動仰止芍陂修廬歌王景葑湖惠杭思蘇子鄭國鑿河
通灌溉信臣均約行意旨若復潭州若復袁呂順浩與張成已近
則杜預守荆襄東南建利民色喜尹郊大吏保赤誠重看召伯南

國行下邑屢被水災告澤國民多不聊生目擊缺陷心甯忍慨然
思與造化爭况行無事非遑智駐節總攬楚形勢陟降在原先算
得磋商閑款恰充濟冊估長短與低高幾多隄堰幾水坳工段先
爲計大數支發隨驗待覈消江漢邇年大奔洪諸隄浮鬆難禁盜
談虎色變盖有由疇昔曾經困保障當年斷隄如斷虹恍如萬馬
逐長風駭浪俄看排空滿勢與五湖爭長雄鍾隄居高一失固頂
灌竟陵成直注一時景色何蕭條鄰田同受淹浸苦區區銜石抱
堅貞人閒難平是恨阮小吏引咎分宜爾其中心事久自明時余
着籍
頂勞所慮重來事築削書券先與河神約前年泊岸壞新菴曾遭風
浪力激薄鍾治吾治亦神治順軌好助陽春脚切勿肆虐破吾隄

海曲詩鈔

卷四

蔡振中

完

吾隄成毀關民瘼預想沈浸盡化膏黍油禾芄農田樂作隄之事
本艱危首在措置中機宜認真始克踏實地節用始不糜虛賞插
形一定立週衛便以木杵密排擠委土沒踝逐漸高二五收分層
量細新隄陡直慮莫支波浪怒時不可磯生草桂淤弗鬻跟隄身
負重乃能持試看順水老隄段從容約水自無虧繼長漸喜離隄
躡完工定於二月外桃花竹箭倏忽來休及農忙錯時會包藏禍
心期混過役夫之猾尤在礮礮須實用登登力勿徒空唱每每歌
若使無當成厄漏錐試難逃一律科吾鍾專以隄爲主隄內疏河
待其輔河雖淤流雖阻地尙狹工非巨父老向我言怨咨夏暑雨
哀此下民復集鴻猶憐苛政無猛虎所惜命田多沙壓河流未通

難區處導尋上下量淺深一隅偏災亦痛心築濬並當殫區畫忍
使中澤苦霖淫聞今興水利順風呼較易投呈乞帑修民力實缺
費通盤合算需數千幾度徘徊於其際歸來造冊達上官萬畝沙
田難遺棄敢辭督興此役名聊盡俠繪流圖意水利先於下游成
不然便嗤倒持衡夏后盡力及溝洫用得元錫慶地平水經廊注
千年後返宅歸壑又變增橫流倒灌多旁港漫比天漢永直繩一
自愚氓開私垵甚且鑿埂穿剝畧欲尋故道多失據爲訪津吏說
無憑泥橈乘倦惟望歎足胍何能一一清開府麾停問湖汊不憚
暑勞循田塹事必目經躬必親但憑人言忠影射爭說談洋有遺
墟故相先填近阻淤爲防三公折臂異無端營造費搏墟遂使水

海曲詩鈔

卷四

蔡振中

三

港與茅江古口出路莫尋得

前明大學士張居正爲其先墳風水於水港茅江二口築長隄一道遂碍

監巧水路

江鄉傍岸盡宥窳生計艱難堪默嗟當年知有田千畝此日

惟睹水一涯不見香秔風物美萍泥滿地鴨蹠花開隄放水出北
首安排建立橫開口旣通積潦復堵漲決意行之可無咎先於長
隄開兩頭自防江漲肆旁流春秋啟閉分先後隨時制宜在人謀
籌盡沈田蓄洩法作岸翼水水置楮集聚役夫與匠工編入圩業
付保甲楚患誰興此大工卑服康田將毋同沉膏一經翻犁後他
年定卜倍收豐譬彼黍谷回春暖荒涼細細爲消融地脈循環有
通塞荒度從來費心力不創體國經野謀百年患害何由釋章程
之設眉目如弊端一一慎厥初始估土方休浮冒校譬倍夫莫糲

糊若處工多若處少預催確勘立簿書例所必有許其有分別准
允與刪除土分新舊放假借水量深濶慮涉虛如此諳諳戒苟且
或有苟且蓋亦寡所虞司事或被瞞自昔鬻柑易售假制府擇員
端且方更兼處事素精詳方策布政斯舉吁哉三十三新章側
聞此費籌鹽庫餘積喜符大衍數青蚨飛去迭飛來還愁易散工
遲誤細思隄工費實繁吾鍾愛累已數番有如盤庚遷河日殷民
胥動以浮言官逼日積難緩給精衛何能填大海傷心暗賠與現
追較前領項實加倍隄內不滿廿萬田頻遭沙淤景堪憐依然還
循歲修例履畝派夫累窮佃官累民累說靡盡民命究以隄爲本
沉關天河諸州縣一視同仁難分畛惟期搏節得蕘工毫釐分寸

海曲詩鈔

卷四

茶振中

三十一

無私隱仰畏憲察心彌兢但求無過希准允寄語呈請修河人隄
河二者皆便民祇以工費難並舉姑容次第爲具陳牛蹄口原洩
盛漲盛漲堵口倒流壯載書五禁首曲防爾民勿再滋禍釀至於
鍾隄鐵牛關議開古河更不然何事復學丹治水鄰壑沔州與漢
川凡此呈請皆謬見不顧大局惟己便鄭僑應不恤人言一任鄉
校徒惑煽築濬關係非細微那容秦越視瘠肥一方有溺卽昏墊
一夫不獲卽流離自雜事必遵成例民隄民修原非厲乘輿濟人
亦偶然後此難永冀小惠荆襄水患由來久地勢平坦半澤藪沱
潛尙仍蛇龍蒞息壤難銷支卹肘不有亨屯濟險人誰施灑沉澹
災手積歲因循貴振之喜逢節鉞遠蒞茲及今不圖後愈艱奉行

糊若處工多若處少預催確勘立簿書例所必有許其有分別准
允與刪除土分新舊防假借水量深濶慮涉虛如此誦誦戒苟且
或有苟且蓋亦寡所虞司事或被瞞自昔鬻柑易售假制府擇員
端且方更兼處事素精詳方策布政政斯舉吁哉三十三新章側
聞此費籌鹽庫餘積喜符大衍數青蚨飛去迭飛來還愁易散工
遲誤細思隄工費實繁吾鍾受累已數番有如盤庚遷河日殷民
胥動以浮言官逼日積難緩給精衛何能填大海傷心暗賠與現
追較前領項實加倍隄內不滿廿萬田頻遭沙淤景堪憐依然還
循歲修例履畝派夫累窮佃官累民累說靡盡民命究以隄爲本
況關天河諸州縣一視同仁難分畛惟期撙節得蕘工臺釐分寸

海曲詩鈔

卷四

恭振中

三十一

無私隱仰畏憲察心彌兢但求無過希准允寄語呈請修河人隄
河二者皆便民祇以工費難並舉姑容次第爲具陳牛蹄口原洩
盛漲盛漲堵口倒流壯載書五禁首曲防爾民勿再滋禍釀至於
鍾隄鐵牛關議開古河更不然何事復學丹洎水鄰壑沔州與漢
川凡此呈請皆謬見不顧大局惟己便鄭僑應不恤人言一任鄉
校徒惑煽築濬關係非細微那容秦越視瘠肥一方有溺卽昏墊
一夫不獲卽流離自維事必遵成例民隄民修原非厲乘輿濟人
亦偶然後此難永冀小惠荆襄水患由來久地勢平坳半澤藪沱
潛尙仍蛇龍蒞息壤難銷支和肘不有亨屯濟險人誰施灑沉澹
災手積歲因循貴振之喜逢節鉞遠蒞茲及今不圖後愈艱奉行

故事總屬非好憑慈航與慧察欲起溝瘠肉白骨巡行不憚三旬
返陳書大計一旦決治江務在扼要綱起自江陵達漢陽治漢先
於上游籌起自荆門與郢州更緣鉅工難獨覈必湏分理成專責
觀風原宜問民苦卽於觀察中委擇時委王方山邱葵兩觀察總理綜統彼地
守牧令剋期省試爲考績若身使臂臂使掌下及輿臺供驅策如
此漢廣與江永大利頓興害頓革載賡熙績戒勿違長言詠歎無
釋時旣殫濬畝距川計更莫則壞成賦基竭盡封疆守土忱力爲
南邦起瘡痍伏願江恬共漢靜用以上慰 聖主念民依民依河
順兼隄鞏固而成之欲其重歷危汎過險涌似泥塞函關如蟻封
穴孔到得隄河柳岸成大府來觀麾旄擁民無怨讟與謗言始息

海曲詩鈔

卷四

蔡振中

三

防川防口恐盥讀長篇致意三似古謠箴與質談善歌原使人繼
聲俗吏不文祇懷慙惟思治水昉大夏此功真不在禹下願書萬
本更矢音永勒貞珉貽來者通篇二千二百餘字古今第一首長
章程又無不委曲詳盡應矩中
詩也提束照應呼吸風生而於濬築
規真如准陰將兵多多益善也

琅制軍侍姬陳氏殉節詩

開府歿妾何敢生受恩深重命爲輕開府歿妾何敢死萬里隨侍
惟女史姑綏須臾親料理緘還書物遠報夫人暨公子妾心許主
已久矣身後事畢盡職黃腸二副衾衣一襲魂魄偕約返京國視
如歸口絕粒殯帷一拜肅肅入白日正當中含笑投繯寂

點蒼山積雪長短句

點蒼山何截截中有六月不消之積雪十九峯撐十八溪一峯一
溪向東折春流活活無斷竭胡爲巔雪獨凝結玉龍舞墜自何時
千載長封寒永穴飛鳥沒人蹤滅洪爐一點久熄熱元霜千杵空
搗屑我聞大理之西通西竺佛國淨域迴與大千世界別茲山中
峯矗立半天上釋迦迦葉志行潔天女香帛時散花銀海光眩六
出纈姑射仙人飄羽列不食烟火此餐齧我欲從之窮攀挈陰嶺
徒瞻石門裂點蒼山何截截梁州外境多奇絕風急天高氣凜冽
君不見峩喟雪水江流三峽決

鐵立行爲段功妻阿禧作

西山鐵立助怨吟雁門女子抱痛深自憐滇海閒雲影苦訴青天

海曲詩鈔

卷四

蔡振中

三

明月心當年信讒恨梁王橋畔枉殺段平章彷彿魯桓死車右致
令功狗終未央對兒空說人盡夫那知兒不負阿奴出示毒具瞋
燭裏密約挽車歸大理將軍功高偏自豪不信亂命竟有此爾家
胡爲棄長城爾父會爲裏蹶趾以茲恃愛不防身乃至蒼皇變猝
起聞變斯時心欲裂芳魂久逐段氏滅杜鵑啼破點蒼春半升清
淚一升血誰料家國多酸辛忍殺東牀坦腹人雍姬往事堪歎息
千秋蠻妃能全倫嗚呼善闡河山改冤魂長甯阿禧在至今粉壁
傳遺詩同時更有楊淵海

長歌行贈桂未谷明府

未谷先生吾舊友卯歲明湖追隨久一自獻賦迂蹕還鵲華橋畔

惜分手別來官轍各東西後先分析都門柳先生需次轄京華余
時作吏重湖石側聞射策捷南宮匡衡丙科遇非偶君本承明著
作才黃鍾應叩蒲牢吼况值右渠繙經時疑義正資宿儒剖近傳

稽古周邵戴

謂書昌二
雲東原

吾鄉期君繼其後胡墮天風觸世塵依舊

折腰困墨綬君旣疇嘔歷轉階我亦間關勞奔走昆明郭外忽相
逢萬里巒花成聚首一笑把臂快入林驚看面類俱老醜吁嗟乎
人生不得杖節吳越縱橫衡文數又不得騎馬秦隴摩挲碑碣窮
蝌蚪何日坐君明堂上日習法物辨尊貞輪困奇氣鬱莫伸空歎
胸中藏二酉遠徼邊城閉聞見無殊日中星見斗兼之窮宦困漏
厄不如意事更八九譬彼王喬墜埃壙縱有仙鳥難離垢與君同

海曲詩鈔

卷四

蔡振中

三

是淪落人放懷且盡杯中酒

前半喜其達後半哀其
窮悲歌慷慨如聞曉角

題桂未谷先生八分書後

雪門老滂書翰奇八分猶見古法垂粵自二篆成割取章程次仲
初割爲嗣後鴻都定石經此體參校學宮楣邠陽酸棗續得碣曹
全劉熊所畱遺韓勅孔廟誌孔器鄭君任城鐫漢儀史長乙瑛皆
有作一一光昭魯東祠若者完好若者泐羣矜絕品心摹追一自
黃初變行草學未具體門罕窺三復肩吾書品論此道不絕如縷
絲近推太原傅青主復有孟津王蠹斯勾吳顧苓粵譚漢諸家後
出相撐撐今觀老若作此體精心入妙無定姿有時態濃意自遠
有時壁立柱不移綿若雲鬱膚寸合輕若翮片虛委蛇魚頑鷹時

各殊狀箕張昂率隨所施當其下筆費營構意匠神明於矩規須
史篇幅基布出晨星磊落天南俯佩玉冠裳睹氣象明堂法物雜
尊彝直以六書爲己任名與程邈堪等夷由來君本魯諸生平生
嗜古幾類癡許氏說文窮點畫歐陽金石補缺虧萬里巒荒老作
宰尙攜闕里漢藏碑我有裁紙長丈六井水一斗研隄糜俟君過
從酌白酒興發潑墨何淋漓更欲竊附效梁鵠吁嗟浩老真吾師

形容八分之妙如讀
索勿安隸體書勢

題錢松壺畫醉鍾馗圖

睥其目卍其鬚呵叱風霆聲氣麤手扶鬼眸血糝糊家家除夕懸
廳隅云是終南進士圖此圖流傳何取諸畫家布景景各殊寒林

海曲詩鈔

卷四

蔡振亨

三

射獵一一摹跳圈嫁妹事涉誣對月對鏡又其餘只有醉像古來
無生面獨闢今松壺神之於世原齟齬胡不索之於屠沽歲酒正
屆飲屠廡糞帚迎迓及紫姑老婦祭竈盛盆孟兼之爲神供醞鋪
爛醉旋風舞且趨萬鬼誰敢肆挪揄見者直作天魔呼何假方相
執楯及行教魑魅盡毆除我聞進士前身堪嗟吁祇以怪醜被逐
驅旣不得同時闖身凌煙褒鄂俱復不得與翰林金殿中貴扶徒
然點喙塗墨殊下令侏儒走驚瞿男兒空負九尺軀憤來欲擊劍
湛盧黑甜之鄉妙正需此不痛飲將何如

如睹其狀如聞其聲其
人本無寫之以生一路

襖出醉字
眉目清醒

大觀樓懷古

昆明池水西北流太華秋色枕城頭浦澈林巒紛繞郭攬勝直上
天觀樓樓址傳是元故宮萊海柳隄煙雨濛金汗河抱湖東岸離
館一帶御牆紅遙憶太弟封藩年革囊舟入金沙邊掃除贊普歸
版籍撫綏纛爽靖戈鋌席寵全威屬梁王幹耳朶開耽宴荒皇家
池沼擬興慶南內宮殿等未央時移勢改散彩雪白石江高下將
軍妃主鼓吹出城去百年臺榭劫灰焚斯樓從此少人葺長對西
山悲鐵立良田盡換沐氏莊軍屯無復伯顏迹興亡歷代歸眼底
倏忽又看野圍闌吳逆所作以居愛姬圓圓登臨獨立縱遠眺弔古茫茫天風
急透迤而入筆勢呼喚
憑弔古今無限感慨

大雨過峽

海曲詩鈔

卷四 蔡振中

三

頽雲暴雨遮山黑峽中雷鳴激水立銅艘銜尾已上灘石齒丁
困逼仄此時進難退亦難篙師長年傳呼急何來靈風爲鼓橐蒲
帆飽送無少側土囊怒發洪濤聲陰崖如有神迸力須臾雷停雨
亦止峽口雲飛漏日色我生已慣涉江湖世途險怪爭一息憂患
來時只信天窮薄賦命天應測

